


土岐文庫
文庫17
W125
6





Small, faint red rectangular stamp impression, likely a library or archival mark, located below the dragon seal.

文庫 17
W125
6



杜工部集卷之十二

虞山蒙叟錢謙益箋註

近體詩一百二十八首

任成都及綿漢梓州作

奉和嚴中丞西城晚眺十韻

汲黯匡君切廉頗出將頻直詞才不世雄畧動一作用如
神政簡移風速詩清立意新層城臨暇一作媚景絕域望
餘春旗尾蛟龍會樓頭鷺雀馴地平江動蜀天闊樹
浮秦帝念深分闡軍須遠算緡花羅封峽蝶瑞錦送
麒麟辭第輸高義觀圖憶古人征南多興緒事業闡
相親

算緡

食貨志商賈滋衆貧者畜積無有皆仰縣官異時算輶車賈人之緡錢皆有差請算如故師古曰緡謂錢貫也



昭和六十年二月一日贈
土岐善吉唐氏寄

010185192291

嚴中丞枉駕見過

嚴自東川除西川勅令兩川都節制

元戎小隊出郊坰問柳尋花到野亭川合東西瞻使

節地分南北任流一作孤萍扁舟不獨如張翰白一作卓帽還

應一作應似管寧寂寞二云江天雲霧裏何人道有少微星

川合東西上元二年十月武代崔光遠鎮蜀是時合劔兩川為一道廢東川節度此詩系云自東川除西川以武初鎮東川故

也詳見八張翰張翰傳會稽賀循赴命入洛經吳閶門于船中彈琴翰哀詩注初不相識乃就循言諷曰吾亦有事北京便同載即去

卓帽魏志管寧常著卓帽布襦袴布裙隨時單複少微隋志少微四星在大微西大夫之位也一名處士星明黃則處士

舉矣

廣州段功曹到得楊五長史譚書功曹却歸聊

寄此詩

衛青開幕府楊僕將樓船漢節梅花外春城海水邊

銅梁書遠及珠浦使將旋貧病他鄉老煩君萬里傳

楊僕南粵傳楊僕為樓船將軍出豫章下橫浦元和郡國志桂江一名離水經臨桂縣東去縣十步楊僕平南粵出零陵下灘水即謂此

也珠浦後漢循吏傳孟嘗為合浦太守郡不產穀實而海出珠

得廣州張判官叔卿書使還以詩代意

鄉關□騎遠二云宇宙蜀城偏忽得炎州信遙從月峽

傳雲深驃騎幕夜隔孝廉船却寄雙愁眼相思一作望淚

點懸

張叔卿魯人見公雜述及舊書李白傳孝廉船世說張憑謁丹陽尹劉惔惔留宿明日乃還船須臾惔傳教覓張孝

廉船召與同識

送段功曹歸廣州

南海春天外功曹幾月程行二云峽雲籠樹小湖日落二云

船明交趾丹砂重韶州白葛輕幸君因旅一作估客時寄錦官城

絕句漫興九首

眼見前二云客愁愁不醒無賴春色到江亭即遣花開一作飛

深一作從造次便覺一作教鶯語太丁寧

手種桃李非無主野老牆低還似一作是家恰似春風相

聲欺得夜來吹折數枝花

陸放翁云白樂天用相字多作思必切如為問長安月如何不相離也此詩相欺亦當從入聲讀

熟一作耐知一作熟茅齋絕低小江上鷺子故來頻銜泥點污

琴書內更接飛蟲打著人

二月已破三月來漸老逢春能幾迴莫思一作草堂身外無

窮事且盡生前有限杯

腸斷春江一作云欲盡一作白頭杖藜徐步立芳洲顛狂柳絮

隨風去輕薄桃花逐水流

懶慢無堪不出村呼兒日在掩柴門蒼苔濁酒林中

靜碧水春風野外昏

糝徑楊花鋪白氈點溪荷葉疊一作累青錢一作筍根稚

子無人見沙上鳧雛傍母眠

稚子一作難吳若本注稚子筍也一作稚子漢鏡歌有稚子班西溪叢語杜牧之朱坡詩小蓮娃欲語幽筍稚相携言筍如稚子與竹根稚子同意

舍西柔桑葉可拈江畔細麥復纖纖人生幾何春已

夏不放香醪如蜜甜

蜜甜梁朱异田飲引豈味薄于東魯鄙牽甜于南湘

隔戶云云楊柳弱嫋嫋恰似十五女兒腰誰謂朝來不作意狂風挽斷最長條

江畔獨步尋花七絕句

江上被花惱不徹無處告訴只顛狂走覓南鄰愛酒伴經旬出飲獨空牀解斯融吾酒徒

稠花亂蕊畏云江濱行步歎危實云怕春詩酒尚堪

驅使在未須料理白頭人

料理晉書王徽之傳卿在府日久比當相料理

江深竹靜兩三家多事紅花映白花報答春光知有處應須美酒送生涯

東望少城花滿烟百花高樓更可憐誰能載酒開金

盃一作鎖喚取佳人舞繡筵

少城元和郡國志少城一曰小城在成都縣西南一里二百步寰宇志少城在縣南一百步李膺記與大城俱築唯西南北三壁東即大城之兩墉故蜀都賦云

亞以少城接乎其西

黃師塔前江水東春光懶困倚微風桃花一簇開無

主可愛深紅愛一作映淺紅一作映

黃師塔陸放翁曰予以事至犀浦過松林甚茂問馭卒何處答曰師塔也蓋謂僧所葬之塔于是乃唐杜詩黃師塔前之句

黃四娘家花滿蹊千朵萬朵壓枝低留連戲蝶時時

舞自在嬌鶯恰恰啼

不是愛花卽肯一作死死一作不是看只恐花盡老相催繁枝

容易紛紛落嫩葉一作商量細細開

三絕句

楸樹馨香倚釣磯，
新花藥未應飛。
不如醉裏風吹

春風盡可何忍醒時雨打稀

門外鷓鴣去久不來，
沙頭忽見眼相猜。
自今已後知

人意一日須來一百回

無數春筍滿林生，
柴門密掩斷人行。
會須上番去看

成竹客至從噴不出迎

戲為六絕句

庾信文章老更成，
凌雲健筆意縱橫。
今人嗤點流傳賦，
不覺前賢畏後生

庾信

周書傳贊曰：子山之文發源於宋末，盛行於梁季，其體以淫放為本，其詞以輕險為宗，故能言後子紅紫蕩心，逾于鄭衛。楊子雲有言：詩人之賦麗以則，詞人之賦威以嗤。點于寶晉，紀蓋世共嗤點。淫若以庾氏方之，斯又詞賦之罪人也。嗤點以為灰塵，而相詆病矣。

楊王一作王楊盧駱當時體，
輕薄為文哂未休。
爾曹身與名

俱滅，不廢江河萬古流

縱使盧王操翰墨，
劣于漢魏近風騷。
龍文虎脊皆君

馭，歷塊過都見爾曹

風騷

宋書自漢至魏，文體三變，莫不同祖風騷。杜牧李賀歌詩序騷之苗裔，理雖不逮，辭或過之。

才力應難誇數公，
凡今誰是出羣雄。
或看翡翠蘭苕

上未掣鯨魚碧海中

翡翠

郭璞遊仙詩：翡翠戲蘭苕，容色更相鮮。

不薄今人愛古人，
清詞麗句必為鄰。
竊攀屈宋宜方

駕，恐與齊梁作後塵

未及前賢更勿疑，
遞相祖述復先誰。
別裁偽體親風

雅轉益多師是汝師

祖述

謝靈運傳論王褒劉向揚班崔蔡之徒遞相師祖

箋曰作詩以論文而題曰戲為六絕句蓋寓言以自况也韓退之之詩曰李杜文章在光焰萬丈長不知羣兒愚那用故誇傷虵蟻撼大樹可笑不自量然則當公之世羣兒之訪傷者或不少矣故借庾信四子以發其意唯點流傳輕薄為文皆指並時之人也一則曰爾曹再則曰爾曹正退之所謂羣兒也盧王之文劣于漢魏而能江河萬古者以其近于風騷也况其上薄風騷而又不劣于漢魏者乎凡今誰是出羣雄公所以自命也蘭若翡翠指當時研揣聲病尋摘章句之徒鯨魚碧海則所謂渾涵汪洋千景萬狀兼古人而有之者也亦退之之所謂橫空盤硬妥帖排冪眼崖崩豁乾坤雷碾者也論至于此非李杜誰足以當之而他人有不憚然自失者于不薄今人以下惜時人之是古非今不知別裁而正告之也齊梁以下對屈宋言之皆今人也不薄今而愛古期于清詞麗句必與古人為鄰則可耳今人侈言屈宋而轉作齊梁之後塵不亦傷乎又曰今人之未及前賢無怪其然也以其遞相祖述沿流失源而不知誰為之先也騷雅有真騷雅漢魏有真漢魏等而下之至于齊梁唐初雖不有真面目焉舍是則皆偽體也別者區別之謂裁者裁而去之也果能別裁偽體則近于風雅矣自風雅而下至于庾信四子孰非我師雖欲為唯點輕薄之流其可得乎故曰轉益多師是汝師呼之曰汝所謂爾曹也哀其身與名俱滅諄諄諄然呼而寤之也題之曰戲亦見其通懷尚雅不欲自以為是後人知此

意者鮮矣

江頭五詠丁香

丁香體柔弱亂結枝猶墊細葉帶浮毛疎花披素艷
深栽小齋後庶近幽人占晚墮蘭麝中休懷粉身念

丁香

本草衍義曰華子云丁香治口氣此正是御史所舍之香也樹高丈餘葉似欒葉花圓細黃色凌冬不凋

麗春

百草競春華麗春應最勝少須晉作好顏色草堂作多漫

枝條剩紛紛桃李枝處處總能移如何貴此重晉作稀如

却怕有人知

梔子

梔子比眾木人間誠未多於身色有用與道氣傷一作相

和紅取風霜實青看雨露柯無情移得汝貴在映江波

梔子 本草圖經梔子西蜀州郡皆有之木高七八尺花皆六出甚芬香俗說卽西域簷蔔也夏秋結實如詞子狀生青熟黃中仁深紅本經主治五內邪氣胃中熱氣西陽雜俎諸花少六出者唯梔子花六出陶貞白言梔子剪花六出刻花七道其花香甚卽西域簷蔔花也

鷓鴣

故使籠寬織須知動損毛看雲莫悵望失水任呼號
六翮曾經剪孤飛卒一作只未高且無鷹隼慮留滯莫辭勞

花鴨

花鴨無泥滓堦前一作中庭每緩行羽毛知獨立黑白太分明不覺羣心妬休牽衆眼驚稻梁霜一作知汝在作意莫

先鳴

畏人

早花隨處發春鳥異方啼萬里清江上三年二云峰落日
低畏人成小築褊性合幽棲門逕二云逕從榛草無心走一作待馬蹄

遠遊

賤子何人記迷芳荆作方著處家竹風連野色江沫擁春
沙種藥扶衰病吟詩解歎嗟似聞口騎走失喜問京華

野望

西山白雪三竒一作城一作年戍南浦清江萬里橋海內風塵

諸弟隔天涯涕淚一身遙
唯將遲暮供多病未有涓
埃荅聖朝跨馬出郊時
極目不堪人事日一作蕭條

三奇

困學紀聞唐地理志彭州導江縣有三奇戍韋臯傳遣大將陳柏等出三奇西南備邊錄所謂三奇營也當從舊本作三奇為是按西山三城界于吐蕃為蜀邊要害屢見杜詩正不必作三奇此穿鑿之通耳

官池春雁二首

自古稻梁多不足至今鴻鵠亂為羣
且休悵望看春水更恐歸飛隔暮雲

青春欲盡急還鄉紫塞寧論尚有霜
翅在雲天終不遠力微繒繳絕須防

水檻遣心二首

去郭軒楹敞無村

草堂作村

眺望餘澄江平少岸幽樹晚多

花細雨魚兒出微風燕子斜
城中十萬戶此地兩三家

蜀天常夜雨江檻已朝晴
葉潤林塘密衣乾枕席清
不堪祗老病何得尚晉作向浮名淺把涓涓酒深憑送此生

屏跡二首

用拙存

一作誠

吾道幽居近物情
桑麻深雨露燕雀半生

成村鼓時時急漁舟箇箇輕
杖藜從白首心跡喜雙清

晚起家何事無營地
轉幽竹光團一作團野色舍三云山影漾
江流失學從兒懶長貧任婦愁
百年渾得醉一月不

梳頭

衰顏一作年其屏迹幽事供高卧鳥下竹根行龜開萍葉

過年荒酒價乏日併園蔬課猶酌其泉歌一云獨酌且歌一云獨酌酌

其泉歌長擊樽破

寄題杜二錦江野亭

嚴武

漫向江頭把釣竿懶眠沙草愛風湍莫倚善題鸚鵡

賦何須不著鴛鴦冠腹中書籍幽時曬肘後醫方靜

處看興發會能馳駿音作五馬終須音作重到使君灘

使君灘水經注江水東逕羊腸虎臂灘楊亮為益州至此舟覆微其波瀾蜀人至今猶名之為使君灘

奉酬嚴公寄題野亭之作

拾遺曾奏數行書懶性從來水竹居奉引濫騎沙苑

馬幽棲真釣錦江魚謝安不倦登臨費一作賞阮籍焉知

禮法疎枉沐何云旌麾出城府草茅無一作荒徑欲教鋤

孔毅夫續世說嚴武為成都尹甫與武世舊待遇甚隆於浣花里種竹植木結廬枕江縱酒吟咏與田峻野老相蕩狎武過之有時不冠故武此詩云何須不著鴛鴦冠而公解其嘲曰阮籍焉知禮法疎也

中丞嚴公雨中垂寄見憶一絕奉荅二絕

雨映行宮一作官一作雲非是辱贈詩元戎肯赴野人期一云元戎欲動野人知

江邊老病雖無力強擬晴天理釣絲

行宮國史補蜀郡有萬里橋玄宗至而喜曰吾自知行地萬里則歸公草堂在萬里橋當與行宮相近張說奉和早渡蒲關詩樓映行宮

何日雨晴雲出溪白沙青石先一云洗無泥只須伐竹開

荒徑倚一作杖杖穿花聽馬嘶一云鳥啼

謝嚴中丞送青城山道士乳酒一瓶

山甌乳酒下青雲氣味濃香幸見分鳴鞭走送憐漁
父洗盞開嘗對馬軍軍州謂驅使騎為馬軍

嚴公仲夏枉駕草堂兼携酒饌得寒字 草堂本一作鄭公枉駕携饌訪水亭

竹裏行厨洗玉盤花邊立馬簇金鞍非關使者徵求

急自識將軍禮數寬百年地闢今本作闢柴門迥五月江深

草閣寒看弄漁舟移白日老農何有罄交歡

國史補嚴武少以強俊知名蜀中坐衙杜甫祖號登其几案武愛其才終不加害此所謂將軍禮數寬也鈎簾欲殺之語最為誣罔不知宋子京新書何以載之本傳

嚴公廳宴同詠蜀道畫圖得空字

日臨公館靜畫滿一作列地圖雄劔閣星橋北松州雪嶺

東華口山不斷吳蜀水相通與與烟霞會清樽幸不

空

星橋水經注李冰沿水造橋上應七宿故世松州元和郡國志雪山在松州嘉城縣東

八十

奉送嚴公入朝十韻

鼎湖瞻望遠象闕憲章新四海猶多難中原憶舊臣

與時安反側自昔有經綸感激張天步從容靜塞塵

南圖廻羽翮北極捧星辰漏鼓還思晝宮鴛罷轉春

空留玉帳術愁殺錦城人閣道通丹地江潭隱白蘋

此生那老蜀不死會歸秦公若登台輔臨危莫愛身

鼎湖二聖山陵召武為玉帳唐藝文志李靖有玉帳經一卷丹地漢制省中皆口粉塗壁畫古賢

列女以丹漆地謂之丹墀張正見艷歌執戟移丹地

酬別杜二

嚴武

獨逢堯典日再覩漢官儀未効風霜勁空慙雨露私
夜鐘清萬戶曙漏拂千旗並向殊一作斜庭謁俱承別館
追斗城憐舊路渦水惜歸期峰樹還相伴江雲更對
垂試迴滄海棹莫一作更如敬亭詩祗是書應寄無忘酒
共持但令心事在未肯鬢毛衰最悵巴山裏清猿惱
夢思

渦水

元和郡國志渦水在譙縣西四十八里魏文帝以舟師自譙循渦入淮非二公送別之地詩云斗城憐舊路按元和郡國志綿州城理漢涪縣去成都三百五十里依山作州東據天池西臨涪水形如北斗龍伏焉則斗城指綿州之城非謂長安也所臨之水應在綿州無容遠指渦水渦水斷是涪水蓋傳寫之誤耳

送嚴侍郎到綿州同登杜使君江樓

得心字

野興每難盡江樓延賞心歸朝送使節落景惜登臨
稍稍烟集渚微微風動襟重船依淺瀨輕鳥度層陰
檻峻背幽谷窓虛交茂林燈光散遠近月彩靜高深
城擁朝來客天橫醉後參窮途衰謝意苦調短長吟
此會共能幾諸孫賢至今不勞朱戶閉自待白河沈

江樓

方輿勝覽枕綿州城之東隅上有唐江亭記觀杜詩則古之江樓在南山下

奉濟驛重送嚴公四韻

遠送從此別青山空復情幾時盃重把昨夜月同行
列郡謳歌惜三朝出入榮江村獨歸處寂寞養殘生
巴西驛亭觀江漲呈竇使君草堂本作竇十五使君
宿雨南江漲波濤亂遠峰孤亭凌噴薄萬井逼春容

霄漢愁高鳥泥沙困老龍天邊同客舍携我豁心胸

巴西

寰宇記巴西縣屬綿州本漢涪縣杜安簡地志巴郡巴渝集壁巴東夔忠巴西綿州

南江

卽綿江也

九日登梓州城

伊昔黃花酒如今白髮翁追歡筋力異望遠歲時同
弟妹悲歌裏朝廷一作醉醉眼中兵戈與關塞此日意無窮

兵戈關塞指徐知道以兵守劔閣也鶴注牽引朝義党項愚矣

巴嶺峇杜二見憶

嚴武

卧向巴山落月時兩鄉千里夢相思可但步兵偏愛
酒也知光祿最能詩江頭赤葉楓愁客籬外黃花菊
對誰跋馬望君非一度冷猿秋雁不勝悲

九日奉寄嚴大夫

九日應愁思經時冒險艱不眠持漢節何路出巴山
小驛香醪嫩重巖細菊草堂作雨班遙知簇鞍馬廻首白雲間

寶應元年四月代宗卽位召武入朝是年徐知道反武阻兵九月尚未出巴通鑑載六月以武爲西川節度使徐知道守要害拒武武不得進誤也當以此詩正之

黃草

黃草峽西船不歸赤甲山下行人人行稀秦中驛使無
消息蜀道兵于戈有是非萬里秋風吹錦水誰家別
淚濕羅衣莫愁劔閣終堪據聞道松州已被圍

黃草

胡三省曰水經注涪州之西有黃葛峽山高險絕無人居意卽此峽也杜詩黃草峽西注云在涪州之西松州輿地紀勝

通鑑于代宗廣德元年書吐蕃陷松維保三州茂州圖經云廣德二
年吐蕃取隴右西川節度高適出兵西山牽制無功遂亡松維
鶴曰秦中驛使謂李之芳奉使見留也蜀道兵戈謂徐知道據劔閣也當
時公在梓閬非夔州詩也按鶴說良是但引來瑱裴茂之戰以解首二
句為曲
說耳

懷舊

地下蘇司業情親獨有君那因喪一作衰亂後便有一云死

生分老罷知明鏡悲來望白雲自從失詞伯不復更

論文公前名預緣避
御諱改為源明

所思得台州鄭司
戶度消息

鄭老身仍窺台州信所始傳為農山澗曲卧病海雲

邊世已疎儒素人猶乞酒錢徒勞望牛斗無計斲龍

泉

不見近無李
白消息

不見李生久佯狂真可哀世人皆欲殺吾意獨憐才

敏捷詩千首飄零酒一盃匡山讀書處頭白好二云詩
始歸

來

匡山唐詩紀事載東蜀楊天惠彰明逸事云元符二年補令於此聞李
白本邑人微時募小吏棄去隱居大匡山今猶有讀書臺吳曾能
改齋漫錄歐陽文與地廣記皆本天惠之說按太白居廬山見于詩文不
一而足曾鞏詩序云永王璘節度東南自時卧廬山璘迫致之公憐其因
此得罪故云匡山讀書處頭白好歸來彰明遺事所載乃委巷傳聞之語
近時楊慎輩力引為蜀中故事殊不足信容齋三筆亦云太白鄉郡當以
范傳正碑為正范碑云國朝已乘編於屬藉神龍初潛還廣漢因僑為郡人杜田
杜詩補遺引范碑云白之先客居蜀之彰明太白生焉云云此好事者偽
為之以附
會杜詩也

題玄武禪師屋壁

何年顧虎頭滿壁二云
座畫瀛曾作州赤日石林氣青天江

海水云流錫飛常近鶴杯度不驚鷗似得廬山路真隨
惠遠遊

玄武

寰宇記玄武山九州要記云一名宜君山華陽國志云一名三峴山在玄武縣東二里其山六屈三起方與勝覽大雄山在中江有真武廟杜詩玄武禪師屋在此

客夜

客睡何曾著秋天不肯明卷簾殘月影高枕遠江聲
計拙無衣食途窮仗友生老妻書數紙應恐未歸情

吳曾漫錄張說有深渡驛詩云洞房懸月影高枕聽江流此詩用其意

客亭

秋窓猶曙色落木一作木落更天一作高風日出寒山外江流宿
霧中聖朝無棄物老病已成翁三云衰多少殘生事飄零

似轉蓬

秋盡

秋盡東行且未迴茅齋寄在少城隈籬邊老却陶潛
菊江上徒逢袁紹孟雪嶺獨看西日落二云暮劍門猶阻
北人來不辭萬里長為客懷抱何時得好開一云好

袁紹孟

鄭玄傳袁紹總兵冀州遣使要玄大會賓客玄最後至乃延升上坐身長八尺飲酒一斛秀眉明目容儀溫偉公以玄自况為儒而遭世難也舊劍門徐知道兵據劍閣故曰猶阻北人來邵寶注引河朔飲非是曰此時雪嶺無人可到但可望日落而已

陪王侍御宴通泉東山野亭

江水東流去清樽日復斜異方同宴賞何處是京華
亭景臨山水村烟對浦沙狂歌過于二云形勝得醉即為家

野望

金華山北南涪水西仲冬風日始淒淒山連越雋嶠

三蜀水散巴渝下五溪獨鶴不知何事舞飢鳥似欲

向人啼射洪春酒寒仍綠目極傷神誰為携

金華山

方輿勝覽在射洪縣南流注縣界中江東流入射洪縣界屈曲

涪水

在射洪縣南流注縣界中江東流入射洪縣界屈曲

越雋

寰宇記雋州越雋郡本益州西南外委地漢武帝以平都

巴渝

寰宇記巴州北水一名巴渝水一名渝州水一名渝渠水

五溪

寰宇記黔州涪陵水一名內江水在州西五十步西北注

射洪

元和郡國志梓潼水與涪江合流急如箭也

聞官軍收河南河北

一云收兩河

劍外忽傳收薊北初聞涕淚滿衣裳却看妻子愁何

在漫卷詩書喜欲狂二云首放歌須縱酒青春作伴

好還鄉即從巴峽穿巫峽便下襄陽向洛陽余田園在東京

寶應元年十一月官軍破賊于洛陽進收東都河南平朝義走河北李懷仙斬其首以獻河北平此詩公在劍外聞捷書而作也

涪江泛舟送韋班歸京

得山字

追餞同舟日傷春二云一水間飄零為客久衰老羨君

還花遠二云重重樹雲輕處處山天涯故人少更益一作憶

鬢毛斑

春日梓州登樓二首

行路難如此登樓望欲迷身無却少壯跡有但舊作鞿

栖江水流城郭春風入鼓鞞雙雙新燕子依舊已銜

泥

天畔登樓眼隨春二云入故園戰場今始定移晉作柳更

能存厭蜀交遊冷思吳勝事繁應須理舟楫長嘯下

荆門

荆門寰宇記荆門本漢舊地荆襄之要津

鄴城西原送李判官兄武判官弟赴成都府

憑高送所親久坐惜芳辰遠水非無浪他山自有春

野花隨處發官一作妖柳著行新天際傷愁別離筵何太

頻

鄴城寰宇記梓州今理鄴縣

泛江送魏十八倉曹還京因寄岑中允參范郎

中季明

遲日深春江二云水輕舟送別筵帝鄉愁緒外春色淚痕

邊見酒須相憶將詩莫浪傳若逢岑與范為報各衰

年

莫浪傳朝野僉載咸亨中謠曰莫浪傳阿婆顛

送路六侍御入朝

童稚情親四三云十年中間消息兩茫然更為後會知

何地忽漫相逢是別筵草堂本不分作情桃花紅勝錦生憎

柳絮白於一作如綿劍南春色還無賴觸忤愁人到酒邊

桃花寰宇記桃花溪在鄴縣三十里南流入射洪縣輿地紀勝桃花水在射洪縣東北合涪江

泛江送客

二月頻送客東津江欲平烟花山際重舟楫浪前輕
淚逐勸盃下一作落愁連吹笛生離筵不隔日那得易為情

東津

打魚歌綿州江水之東津輿地紀勝在郵縣東四里渡涪江水

上牛頭寺

青山意不盡袞袞上牛頭無復能拘礙真成浪出遊
花濃春寺靜竹細野池幽何處鴛啼切移時獨未休

牛頭山

寰宇記牛頭山在郵縣西南二里高一里形似牛頭四面孤絕俯臨州郭下有長樂寺樓閣烟花為一方勝槩圖經云山上無禽鳥棲集而杜詩有鴛啼之句則圖經誤也

望牛頭寺

牛頭見鶴林梯逕繞幽深一云秀麗一何深春色浮一作流山外天

河宿蔡作沒殿陰傳燈無白日布地有黃金休作狂歌老
迴看不住心

上兜率寺

兜率知名寺真如會法堂江山有巴蜀棟宇自齊梁
庾信哀雖久何顛好不忘白牛車遠近且欲上慈航

兜率寺

兜率寺前瞰郡城拱揖如蓋侯圭東山觀音寺記云梓州浮圖大小有十二慧義居其北兜率當其南牛頭據其西觀音距其

何顛

何顛當作周顛傳寫之悞詳見前注

慈航

清涼禪師序般若經般若者苦海之慈航

望兜率寺

樹密當山徑江深隔寺門霏霏雲氣重二云動閃閃浪花
翻不復知天大空餘見佛尊時應清盥二云興罷隨喜給

孤園

井園

春日清江岸千其二頃園青雲蓋一作葉密白雪避花
繁結子隨邊使開筒近至尊後於桃李熟終得獻金

金門

大真外傳開元末江陵進乳楫橋上以十枚種於蓬萊宮天寶十載秋結實宣賜幸臣

數陪李梓州泛江有女樂在諸舫戲為艷曲二

首贈李

草堂作章諸方與勝覽作渚

上客迴空騎佳人滿近船江清歌扇底野曠舞衣前
玉袖凌風並金壺隱浪偏競將明媚色偷眼艷陽天

年一云

白日移歌袖清霄近笛林翠眉縈度曲雲鬢儼分行

立馬千山暮迴舟一水香使君自有婦莫學野鴛鴦

度曲

一音大各反一音徒故反俱見漢書注師古曰應荀二說皆是

鴛鴦

古樂府歌曰湖中百種鳥半雌半是雄鴛鴦逐野鶴

恐畏不成雙

登牛頭山亭子

路出雙林外亭窺萬井中江城孤照日山一作谷遠含

風兵革身將老關河信不通猶殘數行淚忍對百花

叢

陪李梓州王閬州蘇遂州李果州四使君登惠

義寺

春日無人境虛空不住天鶯花隨世界樓閣寄一作倚山

巔遲暮身何得登臨意惘一作寂然誰能解金印瀟洒共

安禪

一云三直將五馬若箇合安禪

送何侍御歸朝

李梓州泛舟筵上作

舟楫諸侯餞車輿使者歸山花相映發水鳥自孤飛
春日垂霜鬢天隅把繡衣故人從此去云寥落寸心違

江亭送眉州辛別駕昇之

得燕字

柳影含雲幕重云江波近酒壺異方驚會面終宴惜征
途沙晚低風蝶天晴喜浴鳧別離傷老大意緒日荒蕪

涪城縣香積寺官閣

寺下春江深不流山腰官閣迴添愁含風翠壁孤雲

細背日丹楓萬木稠小院迴廊春一作清寂寂浴鳧飛鷺

晚悠悠諸天合在藤蘿外昏黑應須到上頭

香積寺

寰宇記香積山在涪城縣東南三里北枕涪江

戲題寄上漢中王三首

時王在梓州初至斷酒不飲篇有戲述

西漢親王子成都老客星百年雙白鬢一別五秋一作飛

螢忍斷盃中物王作眠看座右銘不能隨阜蓋自醉逐

浮萍

漢中王

曹書瑀讓皇帝第六子早有才望偉儀表初封隴西郡公從明皇幸蜀至漢中因封漢中王仍加銀青光祿大夫漢中郡太守

新書肅宗詔收羣臣馬瑀持不可貶蓬州長史郭湜高力士傳李輔國繆承恩寵竊弄威權不死則流動逾千計黔中道此一邑尤多一郡王瑀是也一開府力士是也鶴曰不能隨阜蓋又云剖符來蜀道當是蓬州刺史史云長史誤也

策杖時能出王門異昔遊已知嗟不起未許醉相留

蜀酒濃無敵江魚美可求終思一酪酏淨掃雁池頭

水經注魚復尉成此江之左岸有巴鄉雁池西京雜記梁孝王築苑園有雁池

池間有鶴

羣盜無歸路衰顏會遠方尚憐詩警策猶記一作酒顛

狂魯衛彌尊重徐陳畧喪亡空餘枚一作叟在應念早

升堂

開元十四年十一月己丑幸寧王憲宅與諸王宴探韻賦詩曰魯衛情先重親賢尚轉多瑀為寧王之子故曰魯衛彌尊重用明皇

詩語徐陳魏文帝與吳質書昔年疾疫親故多罹其災徐陳應劉一時俱逝也

陪章留後侍御宴南樓得風

絕域長夏晚茲樓清宴同朝廷燒棧北鼓角滿一作天

東屢食將軍第二云仍騎二云御史驄本無丹竈術一作那

免白頭翁寇盜狂歌外形骸痛飲中野雲低渡水簷
雨細隨風出號江城黑題詩蠟炬一作紅此身醒復醉
不擬哭途窮

棧北廣德二年吐蕃入大震關漏天梁益州記大小漏天在雅州朱晦菴云當作漏天愚謂仍作漏字為是丹竈

別賦守丹竈而不顧

臺上得涼

改席臺能迴留門月復光雲行一作遺暑濕山谷進風

涼老去一杯足誰憐屢舞長何須把官燭似惱鬢毛

蒼

送王十五判官扶侍還黔中得開

大家東征逐子迴風生洲渚錦帆開青青竹笋迎船

出日日自江魚入饌來離別不堪無限意艱危深仗濟時才黔陽信使應稀少莫怪頻頻一作頻頻勸酒盃

大家

東征賦惟永初之有七兮余隨子乎東征大家集曰子穀為陳留長大家隨至官作東征賦

竹笋

孟宗事見楚國先賢

傳江魚

東觀漢記姜詩與婦傭作養母俄而涌泉出于舍側味如江水并旦出雙鯉魚吳曾漫錄作日日韓子蒼作白白後漢列女傳

姜詩母嗜魚鱸每旦輒出雙鯉常以供母膳曰每旦則以日日為是

倦夜

竹涼侵卧内野月滿一作編庭隅重露成涓滴稀星乍有

無暗飛螢自照水宿鳥相呼萬事干戈裏空悲清夜徂

徂

吳曾漫錄顧陶類編題云倦秋夜三聯云飛螢自照水宿鳥競相呼

悲秋

涼風動萬里羣盜尚縱橫家遠傳書日秋來為客情愁窺高鳥過老逐衆人行始欲投三峽何由見兩京

對雨

莽莽天涯雨江邊獨立時不愁巴道路恐濕漢旌旗

雪嶺防秋急繩橋戰勝遲西戎甥舅禮未敢背恩私

雪嶺

鶴曰高適出西山三城置戍即雪嶺也

警急

時高公適領西川節度

才名舊楚將妙畧擁兵機玉壘雖傳檄松州會解圍和親知拙計公主漫無歸青海今誰得西戎實飽飛

至德二載永王璘反適因陳江東利害永王必敗上奇其對以適為揚州左都督府長史淮南節度使故云舊楚將舊軍代宗即位吐蕃陷隴右漸逼京畿適練兵于蜀臨吐蕃南境以牽制之師出無功而松維等州尋為蕃兵所陷以黃門侍郎嚴武代還此詩松州未陷時作也

王命

漢^二北豺狼滿巴西道路難血埋諸將甲骨斷使臣

^一君^二鞍牢落新燒棧蒼茫舊築壇深懷喻蜀意慟哭望

王官^一

使臣^{廣德元年李之芳等使吐蕃被留二年方得歸築壇也武入朝而吐蕃陷河西隴右又}

^{圍松州蜀人思得武以代適也}

征夫

十室幾人在千山空自多路衢唯見哭城市不聞歌

漂梗無安地銜枚有荷戈官軍未通蜀吾道竟如何

有感五首

將帥蒙恩澤兵戈有歲年至今勞聖主何以報皇天

白骨新交戰雲臺舊拓邊乘槎斷消息無處覓張騫

拓邊^{唐自武德以來開拓邊境地連西域皆置都督府州縣開元中置朔方等處節度使以統之祿山反後數年間西北數十州相繼淪}

^{沒盡取河西隴右之地自鳳翔以西邠州以北皆為左社矣}張騫^{李之芳被留次李之芳被留次}

幽薊餘蚍豕乾坤尚虎狼諸侯春不貢使者日相

望慎勿吞青海無勞問越裳大君先息戰歸馬華山

陽

^{箋曰是時史朝義下諸降將奄有幽魏之地驕恣不貢伐宗懦弱不能致討此詩云慎勿吞青海無勞問越裳安有節鎮之近不修職貢而顧能從事遠略者乎蓋歎之也息戰歸馬謂其不復能用兵而婉詞以譏之也李朝云唐子孫不能以天下取河北正此意也舊注謂戒人主生事外憂可謂愚矣}

洛下舟車入天中貢賦均日間紅粟腐寒待翠華春
其取金湯固長令宇宙新不過行儉德盜賊本王臣

箋曰自吐蕃入寇車駕東幸天下皆咎程元振又以子儀新立功不欲天子還京勸帝且都洛陽以避蕃寇代宗然之子儀因兵部侍郎張重光宣慰慰附章論奏代宗省表垂涕亟還京師其略曰東周之地久陷賊中宮室焚燒十不存一獨其土地狹陋糴數百里間東有成皋南有二室險不足恃適為戰場明天子躬儉節用苟能黜素食之吏去冗食之官抑豎刁易牙之權任遠煖史鮑之直則黎元自理盜賊自平中興之功旬月可冀公詩云莫取金湯固長令宇告新不過行
儉德盜賊本王臣正彙禁汾陽論奏大意

丹桂風霜急青梧日夜凋由來強幹地未有不臣朝

受鉞親賢往卑宮制詔遙終依古封建豈獨聽蕭韶

丹桂

漢成帝時諸梓樹華不實黃雀巢其顛注桂赤色漢家象

青梧

上官儀册殷王文慶表栽梧德成觀梓

受鉞

乾元二年史思明僭號于河北李光弼請以親賢統師以趙王係為兵馬元帥詔曰端難平兇必資于金華總戎授律實仗于親賢次年四月以親王遙統兵柄實應元年代宗即位十月以雍王适為天下兵馬元帥

箋曰初房瑄建分鎮討賊之議詔曰令元子北略朔方命諸王分守重鎮詔下遠近相慶咸思效忠于興復祿山撫膺曰吾不得天下矣肅宗即位惡瑄殿之用其諸子統帥然皆不出京師遙制而已宗藩削弱藩鎮不臣公追歎朝廷不用瑄議失強幹弱枝之義而有事則倉卒以親賢授鉞也

丹桂言王室青梧言宗藩也卑宮制詔即天寶十五載七月丁卯制置天下之詔也謂其分封諸王如禹之與子故以卑宮言之壯遊詩禹功亦命子此其証也落句言不依古封建而欲坐聽蕭韶不可得也公之冒死救瑄豈獨以交友之故哉

盜

一作

滅人還亂兵殘將自疑登壇名絕假報主一云爾

何遲領郡輒無色之官皆有詞願聞哀痛詔端拱問

瘡痍

箋曰李肇國史補開元以前有事于外則命使臣否則止自置八節度十採訪始有坐而為使其後名號益廣大抵生于置兵盛于專制普于銜命於是為使則重為官則輕故天寶末佩印有至四十者大曆中請奉有至千貫者宦官內外悉屬之使舊為權臣所管州縣所理今屬中人者有之此詩云登壇名絕假謂諸將兼官太多所謂坐而為使也領郡輒無色州郡皆權臣所管不能自達故曰無色也之官皆有詞所謂為使則重為官則輕也送陵州路使君詩云王室比多難高官皆武臣與此正相發明東坡謂唐郡縣多不得人由重內輕外者此天寶以前事以言乎廣德之時則迂矣

送元二適江左

亂後今相見秋深復遠行風塵為客日江海送君情
晉室丹陽尹公孫白帝城經過自愛惜取次莫論兵

元常應孫
吳科舉

元結

劉會孟本題下公自注元結也考顏魯公墓碑及次山集代宗時
次山春陵行及廣德二年道州上謝表時月皆可據所謂
元二者必非結也宋刻善本無此六字明是後人妄益耳
帝丹陽尹傳序曰自二京版蕩五馬南渡因乃上燭天文下應地理既變
淮海為神州亦即丹陽為京尹雖得人之盛頗愧前賢而盼遇之深多用
宰輔晉中興書大興元年改丹陽內史為丹陽尹晉書王敦以溫嶠為丹
陽尹欲使規伺朝廷喻至具言敦逆謀劉謙之晉紀曰蘇峻召祖約為逆
約遣許柳以眾會峻克京
節拜丹陽尹後以罪誅
公孫述據蜀自以承漢
土運故號曰白帝城

章梓州水亭

時漢中王兼道士席
謙在會同用荷字韻

城晚通雲霧亭深到芰荷吏人橋外少秋水席邊多

近屬淮王至高門薊子過荆州愛入山簡吾醉亦長歌

薊子

後漢方術傳薊子訓既到京師公
卿以下候之者坐上恒數百人

翫月呈漢中王

夜深露氣清江月滿江城浮一作客轉危坐歸舟應獨

行關山同一照海錄鳥鵲自多驚欲得淮王術風吹暈

已生

淮王

淮南子畫隨灰而月暈闕許慎注曰有軍士相圍守則月暈以盧
灰環闕其一面則月暈亦闕三上周王褒關山月詩天寒光轉白
風多暈欲生庾肩吾望月詩
圓隨漢東蚌暈逐淮南灰

戲作寄上漢中王二首

王新誕
明珠

雲裏不聞雙雁過掌中貪見一珠新秋風嫋嫋吹江
漢只在他鄉何處人

謝安舟楫風還起梁苑池臺雪欲飛杳杳東山携漢
妓泠泠修竹待王歸

池臺

水經注睢陽城故宮東即梁王之吹臺也基陛階礎尚在釣臺池東又有一臺世謂之清冷臺北城憑隅又結一池臺晉灼曰或說平臺在城中東北角亦

修竹

水經注睢水又東南流歷于竹圃水次綠竹蔭渚菁菁實望世人言梁王竹園也

投簡梓州幕府兼簡韋十郎官

幕下郎官安穩無從來不奉一行書固知貧病人須
棄能使韋郎跡也疎

登高

風急天高猿嘯哀渚清沙白鳥飛迴無邊落木蕭蕭
下不盡長江衮衮來萬里悲秋常作客百年多病獨
登臺艱難苦恨繁霜鬢潦倒新停濁酒盃

九日

去年登高鄆縣北今日重在涪江濱苦遭白髮不相
放羞見黃花無數新世亂鬱鬱久為客路難悠悠常
傍人酒闌却憶十年事腸斷驪山清路塵

遣憤

聞道花門將論功未盡歸自從收帝里誰復總戎
機二云蜂蠆終懷毒雷霆可振威莫令鞭血地再濕漢
臣衣

箋曰回紇既助順收河北以賊平恣行暴掠代宗册命可汗復論功封左
右殺都督以下尋為僕因懷恩所誘與吐蕃合兵入寇此詩蓋深憂之也
初雍王見回紇可汗于黃河北責雍王不于帳前舞蹈車鼻遂引藥子昂
李進章少華魏琚各榜筆一宿而死漢臣鞭血正記此事也

章梓州二云橘亭餞成都竇少尹

得涼

秋日野亭千橘香玉盃錦席高雲涼主人送客何所
作音行酒賦詩殊未央衰老應為難離去聲別一云難為
賢聲此去有輝光預傳籍籍新京尹一作青史無勞數
缺趙張

送陵州路使君赴任

王室比荆作多難高官皆武臣幽燕通使者岳牧用詞
人國待賢良急君當拔擢新佩刀成氣象行蓋出風
塵戰伐乾坤破瘡痍府庫貧眾寮宜潔白萬役但平
均一云萬物霄漢瞻佳士禁作泥途任此身秋天正搖落

迴首大江濱

陵州寰宇記屬劔南東道漢犍為郡之武陽縣東武臣房瑄傳邠州
境屬益州部周閔帝置陵州因陵井為名久屯軍旅多

以武將兼領刺史法度廢州縣廢宇並為
軍營官吏侵奪百姓室屋以居人甚弊之

薄暮

江水長流一云最深地山雲薄暮時寒花隱亂草宿鳥擇一云
深枝舊國見何日高秋心苦悲人生不再好鬢髮白
一作成絲

西山三首

羸界荒山頂蕃州積雪邊築城依一作白帝轉粟上青
天蜀將分旗鼓羗兵助一作井泉一作西南肯和好殺氣
日相纏

西山

寰宇記王羲之與謝安書曰岷山夏含霜雪校之所聞崑崙之仲
也華陽國志岷山一曰汶焦山岷嶺之最高者遇大雪開洋望見成
都元和郡國志岷山即汶山也南去青城石山百里天色晴明望見成都山
嶺停雪常深百丈夏月融泮江川為之洪溢即龍之南首也圖經云岷山

嶮絕岬立實片阻差全蜀倚為巨屏熙寧置永康軍詔云正控西山六
州軍隘口又屬經云雪山在維州保寧縣西南連乳州白苟嶺九域志云
山有九峰上有蕃州高適疏云今所界吐蕃城堡不過平戎以西數城
積雪冬夏不消蕃州在嶺山之巔垂于險絕之末運糧于東馬之路
坐甲于無人之鄉李宗諤圖維州南界江城岷山連嶺而西不知其極
北望高山積雪如玉東望成都若井底一面孤峰三面臨江是西蜀控吐
蕃之要衝

辛苦三城成長防萬里秋煙塵侵火井雨雪閉松州

風動將軍幕蓋天寒使者裘漫平山賊營壘一云成廻

首得無憂

廣德元年吐蕃陷松維保三城及雲山新築二城高適不能救於是劍南西山諸州亦入于吐蕃

子弟猶深入關城未解圍蠶崖鐵馬瘦灌口米船稀

辯士安邊策元戎決勝威今朝烏鵲喜欲報凱歌歸

蠶崖寰宇記蠶崖關在導江縣西北四十七里方輿勝覽在縣西五十里以鎮西山之走集灌口寰宇記灌口鎮在導江縣

西六十里方輿勝覽淳熙五年胡元質奏曰唐之季年吐蕃入寇必入黎文南詔入寇必入沈黎吐蕃南詔合入寇必出灌口沈黎兩州去成都尚千里關隘險阻足以限隔惟灌口一路去成都止百里又皆平陸朝發夕至威茂兩州即灌口之蔽障

薄遊

浙浙一云浙風生砌團團日隱牆遙一云空秋雁滅一云半嶺

暮雲長張病葉多先隊寒花只暫香巴城添淚一作眼

今夜復清光

贈韋贊善別

扶病送君發自憐猶不歸祗應盡客淚復作掩荆扉

江漢故人少音書從此稀往還二十載歲晚寸心違

送李卿曄

王子思歸日長安已亂兵霑衣問行在走馬向承明

暮景巴蜀僻春風江漢清晉山雖自棄魏闕尚含情

廣德元年十月吐蕃人寇車駕幸峽李曄顏真卿集顏允南神道碑潼關陷輿駕幸蜀朝官多出駱谷至輿道房瑄李曄高適等數十人盡在世系表曄終刑部侍郎晉山水經袁崧郡國志曰界休縣有介山有綿上聚于推廟公自以不與靈武之賞每以子推自喻也

絕句

江邊踏青罷迴首見旌旗風起春城暮高樓鼓角悲

踏青

李綽歲時記上巳錫宴曲江都人于江頭禊飲踐踏青草曰踏青劉禹錫竹枝詞昭君坊中多女伴永安宮外踏青來

城上

荆作空城

草滿巴西綠空城

山谷作城空

白日長風吹花片片春動

一作蕩

水

一云春送雨

茫茫八駿隨天子羣臣從武皇遙聞出巡守

早晚徧還荒

舍弟占歸草堂檢校聊示此詩

久客應吾道相隨獨爾來孰知江路近頻為草堂迴
鵝鴨宜長數柴荆莫浪開東林竹影薄臘月更須栽

杜工部集卷之十二

休寧縣朱名鼎石鐘氏校

杜工部集卷之十三

虞山蒙叟錢謙益箋註

近體詩九十六首

居閩州及再至成都作

傷春五首

天下兵雖滿春光

一作青春

日自濃西京疲百戰北闕任羣

兇關塞三千里煙花

一萬重蒙塵清露急御宿且


一作有

誰供殷復前王道周遷舊國容蓬萊足雲氣應合總

從龍

廣德元年吐蕃陷京師車駕至華州官吏奔散無復供餼扈從將士不免饑餒乃幸魚朝恩營

鷺入新年語花開滿故枝天青風捲幔草碧水通池
牢落官軍速蕭條萬事危鬢毛元自白淚點向來垂



不是無兄弟其如有別離巴山春色靜北望轉逶迤

日月還相鬪星辰屢合一作亦屢圍不成誅執法焉得變危

機大角纏兵氣鈎陳出帝畿煙塵昏御道耆舊把天

衣一云固無牽白馬幾至著青衣行在諸軍闕來朝大將稀賢多隱屠鈎

王肯載同歸

執法

史記天官書南宮衛太微三光之廷匡衛十二星藩臣西將東相南四星執法月五星順入軌道司其出所守天子所誅也晉志左執法

廷尉之象右執法御史大夫之象廣雅曰熒惑謂之罰星或謂之執法舊書程元振傳吐蕃党項入犯京畿下詔徵兵諸道卒無至者蕃軍至便橋代宗

蒼黃出幸陝州及至行在太常博士柳伉上疏切諫誅元振以謝天下代宗罷元振官放歸田里

大角天官書房南眾星角將大角者鈎陳星經鈎陳大星為六官亦天皇帝廷

再有朝廷亂難知消息真近傳王在洛復道使歸一作通

秦奪馬悲公主登車泣貴嬪蕭關迷北上滄海欲東

巡敢料安危體猶多老大臣豈一作得無嵇紹血霑灑屬車塵

奪馬

舊書肅宗女和政公主下嫁柳潭安祿山陷京師寧國公主發居主棄三子奪潭馬以載寧國身與潭步日百里顏魯公和政公主神道

碑廣德元年冬上既東幸主志期危蹕迴兵充斥咫尺不通因至荆南尉薦諸將蕭關武紀元封四年行幸雍祠

關如淳曰蕭關在安定朝那縣

聞說初東幸孤兒却走多難分太倉粟競棄魯陽戈

□□登前殿王公出御河得無一作忍為中夜舞誰一作宜憶大

風歌春色生烽燧幽人泣薜蘿君臣重脩德猶足見

時和

送梓州李使君之任

故陳拾遺射洪人也篇未有云

籍甚黃丞相能名自潁川近看除刺史還喜得吾賢

五馬何時到雙魚會早傳老思筇竹杖杖挂冬要錦
衾眠不作臨岐恨唯聽舉最先火雲揮汗日山驛醒
心泉遇害陳公殞于今蜀道憐君行射洪縣為我一
潛然

陳公

舊書子昂父在鄉為縣令段簡所辱子昂聞之遠還鄉里簡乃因事收繫獄中憂憤而卒雲溪友議或謂章仇大夫兼瓊為陳拾遺雪獄

王閩州筵奉酬十一舅惜別之作

萬壑樹聲滿千崖秋氣高浮舟一作雲出郡郭別酒寄江
濤良會不復久此生何太勞窮愁但二云有骨羣盜尚
如毛吾舅惜分手使君寒贈袍沙頭暮黃鵠失侶自
一作哀號

放船

送客蒼溪縣山寒雨不開直愁騎馬滑故作泛舟迴
青惜峰巒過黃知橘柚來江流大一作天自在坐穩興悠
哉

寰宇志閩州蒼溪縣因縣界蒼溪谷為名嘉陵江在縣東一里東南流

奉待嚴大夫

殊方又喜故人來重鎮還須濟世才常怪偏禪終日
待不知旌節隔年迴欲辭巴徼啼鴛合遠下荆門去
鷓催身老時危思會面一生襟一作懷抱向誰開

廣德二年正月武以黃門侍郎拜成都尹充劔南節度使此云大夫再鎮時兼官也以後稱鄭公

奉寄高常侍

一云寄高三十五大夫

汶上相逢年頗多飛騰無那故人何總戎楚蜀應全
未方駕二云曹劉不啻過今日朝廷須汲黯中原將帥
憶廉頗天涯春色催遲暮別淚遙添錦水波

代宗以嚴武代適召還為刑部侍郎轉散騎常侍適善言王霸
大略務功名尚節義逢時多難以安危為已任故以汲黯許之

奉寄章十侍御時初罷梓州刺史東
川留後將赴朝廷

淮海維揚一俊人金章紫綬照青春指麾能事迴天
地訓練強兵動鬼神湘西不得歸關羽河內猶宜借
寇恂朝覲從容問幽仄勿云江漢有一一作垂綸

舊書梓州刺史章夔初為武判官及是少不副意赴成都被殺之國史補武
與章夔素善再入蜀談笑殺之雲溪友議刺史章夔因小瑕武遂棒殺後為
夔外家報怨嚴氏遂微焉按此詩武再鎮蜀夔已入覲矣
豈及其未行而殺之耶新書并載欲殺甫之事尤為失實
瑱鎮襄陽循羽之專有荆土以程元振構陷而死故曰不得歸關羽婉詞以
復之也瑱徒淮西諷將史昭已若河內自語借寇則當聽之故曰借寇

也 恂

將赴荆南寄別李劍州

使君高義驅今古寥落三年坐劍州但見文翁能化
俗一作焉知李廣未封侯路經灩澦雙蓬鬢天入滄浪
一釣舟戎馬相逢更何日春風迴首仲宣樓

仲宣樓盛弘之荆州記當陽縣城
樓王仲宣登之而作賦

奉寄別馬巴州時由除京兆
功曹在東川

勳業終一作歸馬伏波功曹非一云復漢蕭何南曾任華
州司功扁舟

繫纜沙邊久南國浮雲水上多獨把魚竿終遠去難
隨鳥樊作翼一相過知君未愛春湖色與在驪駒白玉

珂

功曹西溪叢語劉貢父據曹參未嘗為功曹以此詩為誤按史記蕭何為沛主吏椽注曰主吏功曹也杜未嘗誤吳志孫策謂虞翻曰孤有征討事未得還府卿復以功曹為吾蕭何守會稽耳舊書久之召補京兆府功曹嚴武鎮成都奏為節度參謀

泛江

方舟不用楫極目摠無波長日容盃酒深江淨綺羅
亂離還奏樂飄泊且聽歌故國流清渭如今花正多

陪王使君晦日泛江就黃家亭子二首

山豁何時斷江平不肯流稍知花改岸始驗鳥隨舟
結束多紅粉歡娛恨白頭非君愛人客晦日更添一作愁

愁

有逕金沙軟無人碧草芳野畦連蛺蝶江檻俯鴛鴦
日晚煙花亂風生錦繡香不須吹急管衰老易悲傷

南征

春岸桃花水雲帆楓樹林偷生長避地適遠更霑襟
老病南征日君恩北望心百年歌自苦未見有知音

久客

羈旅知交態淹留見俗情衰顏聊自哂小吏最相輕
去國哀王粲傷時哭賈生狐狸何足道豺虎正一作亂縱

橫

春遠

蕭蕭花絮晚菲菲紅素輕日長唯鳥雀春遠獨柴荆
數有關中亂何曾劔外清故鄉一作園歸不得地入亞夫

營

亞夫營

後漢志長安有細柳聚周亞夫所屯處長安志細柳倉在咸陽縣西南三十里如淳曰細柳倉在渭北近石徹張揖曰在昆明池南今有柳市是也師古曰匈奴傳云置三將軍軍長安西細柳渭北棘門霸上則此細柳不在渭北揖說是也三輔故事曰今石徹是也石徹西有細柳地也在長安西

暮寒

霧隱平郊樹風含廣岸波沈沈春色靜慘慘暮寒多
戍鼓猶長擊林鷺遂不歌忽思高宴會朱袖拂雲和

雙鷺

旅食驚雙鷺一作雙飛鷺銜泥入此堂應同避燥濕且復過

一作炎涼養子風塵際來時道路長今秋天地在吾亦

離殊方

百舌

百舌來何處重重祗報春知音兼眾語整翮豈多身

花密藏難見一云難相見枝高聽轉新過時如發口君側有

讒人

過時汲冢周書時訓解芒種之日螳螂生又五日鶡始鳴又五日反舌無聲螳螂不生是謂陰息鶡不始鳴令奸壅偏反舌有聲佞人在側

地隅

江漢山重阻風雲地一隅年年非故物處處是窮途
喪亂秦公子悲涼一云秋楚大夫平生心已折行路日荒

蕪

秦公子

謝靈運擬鄴中詩王粲家本秦川貴公子遭亂流寓自傷情多

游子

巴蜀愁誰語吳門興杳然九江春草外三峽暮帆前

厭就成都卜休為吏部眠蓬萊如可到衰白問羣仙

蓬萊

哀江南賦風殿道阻蓬萊無可到之期舟楫路窮星漢非乘槎可上

歸夢

道路時通塞江山日寂寥偷生唯一老伐叛已三朝
雨急青楓暮雲深黑水遙夢歸歸未得一作夢魂歸亦得不用楚

辭招

黑水

禹貢華陽黑水惟梁州傳曰東據華山之南西距黑水又曰黑水自北而南經三危過梁州入南海疏曰滇池縣有黑水祠水經注黑水出張掖雜山南流至燉煌過三危山南流入于南海

江亭王閬州筵餞蕭遂州

離亭非舊國春色是他鄉老畏歌聲斷一云短愁隨一作從舞
曲長二天開一云悲寵餞五馬爛生一作輝光川路風煙接俱

宜一云看下鳳皇

絕句二首

遲日江山麗春風花草香泥融飛鷺子沙暖睡鴛鴦
江碧鳥逾白山青花欲燃今春看又過何日是歸年

滕王亭子

在玉臺觀內王調露年中任閬州刺史

君王臺榭枕巴山萬丈丹梯尚可攀春日鸞啼修竹
裏仙家犬吠白雲間清江錦一作碧石傷心麗嫩藥濃花
滿目班人到于今歌出牧來遊此地不知還

滕王

元嬰高祖第二十二子都督洪州數犯憲章從授隆州刺史方輿勝覽滕王以隆州衙宇卑陋遂脩飭宏大之擬于宮苑謂之隆苑後以明皇諱改曰閬苑滕王亭即元嬰所建在玉臺觀成都楊慎以為嗣滕王湛然誤也

修竹

枚乘苑園賦修竹檀欒夾池水孫綽蘭亭詩啼鸞吟

修竹犬吠

論衡傳言淮南王得道畜產皆仙犬吠天上雞鳴雲中

玉臺觀

滕王造

中天積翠玉臺虛遙上帝高居絳節朝遂有馮夷來

擊鼓始知羸女善吹簫江光隱見鼉鼉窟石勢參差

一云烏鵲橋更肯有一云紅顏生羽翼吳作便應黃髮老漁樵

玉臺觀方輿勝覽在閩州北七里中天新序魏襄王玉臺漢郊祀

唐滕王嘗遊有亭及墓馮夷洛神賦馮夷鳴吹簫列仙傳拾遺簫史善

閩觀玉臺應劭曰閩閩馮夷鼓女媧清歌吹簫吹簫日教弄玉作鳳

滕王亭子

寂寞春山路君王不復行古牆猶竹色虛閣自松聲

鳥雀荒村暮雲霞過客情尚思歌吹入千騎把霓旌

千騎梁孝王傳賜天子旌旗千乘萬騎

玉臺觀

滕王造

浩劫因王造一云平臺訪古遊起雲蕭史駐文字魯恭

留宮闕通羣帝乾坤到十洲人傳有笙鶴時過此一云

山頭

渡江

春江不可一作渡二月已風濤舟楫欹斜疾一作魚龍偃

卧高渚花兼陳作素錦汀草亂青袍戲問垂綸客悠悠

見一作汝曹

喜雨

南國旱一云無雨今朝江出雲入空纔漠漠灑迴已紛

紛巢鷺高飛盡林花潤色分晚來聲不絕應得夜深

聞

送韋郎司直歸成都

竄身來蜀地同病得韋郎天下干一作兵戈滿江邊歲月

長別筵花欲暮春日鬢俱蒼一云春鬢色俱蒼為問南溪竹一云笋

抽梢合過墻余草堂在成都西郭

將赴成都草堂途中有作先寄嚴鄭公五首

得歸茅屋赴成都直一云真為文翁再剖符但使閭閻還

揖讓敢論松竹久荒蕪魚知丙穴由來美酒憶郫筒

不用酤五馬舊曾諳小徑幾回書札待潛夫

丙穴

蜀都賦嘉魚出於丙穴劉涓子注丙穴在漢中沔陽縣有魚穴二所常以三月取之丙地名也水經注褒水又東南得丙水口水上承丙穴穴出嘉魚常以三月出十月入地穴口廣五六尺去平地七八尺泉懸注魚自穴下透入水穴口向丙故曰丙穴下注褒水周地圖記興州有丙山

有穴即丙穴其口向丙因以為名寰宇記大丙山小丙山在興州順政縣東南七十里其山峻崖南北相對濶七步其崖峻峭高百丈山衣石髮被於堦際北有穴方圓二丈餘其穴有水潛流土人相傳為丙穴沮水經穴門而過或謂之大丙水每春三月上旬復有魚長七八寸或二三寸連綿從穴出躍相傳名郫筒成都記成都府西五十里因水標名曰郫縣以竹筒盛美酒為嘉魚郫筒號曰郫筒華陽風俗錄郫縣有郫筒池池旁有大竹郡人剝其節傾春釀於筒苞以藕絲蔽以蕉葉信宿馨達於林外然後斷之以獻俗號郫筒酒李商隱詩錦石為基子郫筒當酒壺是也

處處青江帶白蘋故園猶得見殘春雪山斥候無兵

馬錦里逢迎有主人休怪兒童延俗客不教鵝鴨惱

比鄰習池未覺風流盡况復荊州賞更新

白蘋

蘋大萍花白者季春始生

竹寒沙碧浣花溪菱一作橋刺藤梢咫尺迷過客徑須愁

出入居人不自解東西書籤藥裹封蛛網野店山橋

送馬蹄豈一作肯藉荒庭春草一作新色先判一飲醉如泥

嘶棧一云懸斜避石橋斷却尋溪何日干一作戈盡飄飄
愧老妻

行色遞隱見人煙時有無僕夫穿竹語稚子入雲呼
轉石驚魍魅抨弓落狄廳真供一笑樂似欲慰窮途

一笑射雉賦昔賈氏之如
臯始解預于一箭前

山館草堂本作移
居公安山館

南國晝多霧北風天正寒路危行木杪身遠樊作宿雲
端山鬼吹燈滅厨人語夜闌鷄鳴問前館世亂敢求
安

行次鹽亭縣聊題四韻奉簡嚴遂州蓬州兩使
君諮議諸昆季

馬首見鹽亭高山擁縣青雲溪花淡淡一云春郭水泠
泠全蜀多名士嚴家聚德星長歌意無極好為老夫
聽

寰宇記鹽亭縣因井為名負戴山在縣西一里高二里自劔門南來過劔州
入當縣龍盤虎踞起伏四百餘里至此却蹲山有飛龍泉噴下南流人梓潼
江水色清冷其味甘
嚴君舊書嚴震梓州鹽亭人屢出家財以助軍授州
長史王府諮議參軍嚴武移西川署為押衙礪
震之宗人也寰宇記嚴震及弟礪
二墓在負戴山下去縣西一里

倚杖監亭
縣作

看花雖郭內一云倚杖即溪邊山縣早休市江橋春聚
船狎一云鷗輕白浪一云歸鴈喜青一作天物色兼生意淒

涼憶去年

陪王漢州留杜綿州泛房公西湖

舊相恩追後春池賞不稀闕庭分未到舟楫有光輝
豉化蓴絲熟刀鳴鱸縷飛使君雙阜蓋灘淺正相依

房公

舊書房瑄傳上元二年八月改漢州刺史寶應二年四月拜特進刑部尚書在路遇疾廣德元年卒于閬州所謂闕庭分未到也

西

湖方輿勝覽房公湖又名西湖按壁記房相上元初收此邦其時始鑿湖有詩存焉李德裕漢州月夕遊房太尉西湖詩云誰憐濟川楫長與夜舟歸陸務觀詩房公一跌叢衆毀八年漢州為刺史遶湖鑿池一百頃島嶼屈曲三四里

舟前小鵝兒

漢州城西北角官池作

鵝兒黃似酒對酒愛新鵝引頸嗔船逼一作過無行亂眼
多翅開遭宿雨力小困滄波客散層城暮狐狸奈若何

官池

舊注官池即房公西湖

鵝兒酒

方輿勝覽鵝黃乃漢中酒名蜀中無能及者陸務觀亦云兩川名醞避鵝黃

得房公池鵝

房相西池鵝一羣眠沙泛浦白於一作如雲鳳皇池上應
迴首為報籠隨王右軍

答楊梓州

悶到房公池水頭坐逢楊子鎮東州却向青溪不相
見迴船應載阿戎遊

師古本房公池誤作楊公又造楊梓州先人鑿池之說舊注已匡其繆矣

登樓

花近高樓傷客心萬方多難此登臨錦江春色來一云水
天地玉壘浮雲變古今北極朝廷終不改西山寇盜
莫相侵可憐後主還祠廟日暮聊為梁甫吟

玉壘

蜀都賦包玉壘而為宇劉注玉壘山名也湔水出焉在成都西北岷山界在後故曰宇也寰宇記在茂州汶川縣北三里又有玉輪坂其

下汶水
所經 梁甫吟 水經注沔水又東逕樂山北昔諸葛亮好為梁甫吟每取登遊故俗以樂山為名西溪叢語藝文類聚載諸葛亮梁甫吟不知何義張衡四愁詩欲往從之梁甫艱言人君有德則封泰山泰山以喻人君梁甫以喻小人也諸葛好為梁甫吟恐取此意
鶴曰此廣德二年避亂歸成都之作吐蕃陷京師立廣武郡王承宏為帝郭子儀復京師乘輿反正故曰北極朝廷終不改言吐蕃雖立君終不能改命也
箋曰西山寇盜指吐蕃言之非謂劍南西山也可憐後主還祠廟其以代宗任用程元振魚朝恩致蒙塵之禍而託諷於後主之用黃皓乎其與寄微婉此如

春歸

吾逕臨江竹茅簷覆地花別來頻甲子條忽一作歸到又春
華倚杖看孤石傾壺就淺沙遠鷗浮水靜輕鷺受風
斜世路雖多梗吾生亦有涯一云且應此身醒復醉乘興即為家

歸鴈

東來萬里客亂定一云走幾年歸腸斷江城鴈高高一云向北飛

贈王二十四侍御契四十韻

往往雖相見飄飄媿此身不關輕綬冕俱是避風塵
一別星橋夜三移斗柄春敗亡非赤壁奔走為黃巾
子一作爾去何瀟灑余藏異隱淪書成無過鴈衣故有懸
鶉恐懼行裝數伶俚臥疾一云病頻曉鷺工迸淚秋月解
傷神會面嗟鷲黑含悽話苦辛接輿還入楚王粲不
歸秦錦里殘丹竈花溪得釣綸消一作宵中祇自惜晚起
索誰親伏柱聞周史乘槎有漢臣鴛鴻不易狎龍虎
未宜馴客則一云即掛冠至交非傾蓋新由來意氣合直

取性情真浪跡同生死無心恥賤貧偶然存蔗芋幸
各對松筠麤飯依他日窮愁怪此辰女長裁褐穩男
大卷書勻溯口江如練蠶崖雪似銀名園當翠巘野
棹沒青蘋屢喜王侯宅時邀一作逢江海人追隨不覺晚
款曲動彌旬但使芝蘭秀何煩一作須棟宇鄰山陽無俗
物鄭驛正留賓出入竝鞍馬光輝一作參席珍重遊先
主廟更歷少城闔石鏡通幽魄琴臺隱絳唇送終惟
糞土結愛獨荆榛置酒高林下觀碁積水濱區區甘
累趼稍稍息勞筋網聚粘圓鮒絲繁煮細尊長一作慨歌
敲桺癭小睡凭藤輪農月須知課田家敢忘勤浮生
難去食良會惜清晨列國兵戈暗今王德教淳要聞

除猥偷休作畫麒麟洗眼看輕薄虛懷任屈伸莫令
膠漆地萬古重雷陳

蔗芋

蜀都賦瓜疇芋區甘蔗辛薑

溯口

水經注江水又歷都安縣縣有桃關漢武帝祠李水作大堰於此堰於江作溯溯有左右

口謂之溯溯江入郫江檢江以行舟俗謂之都安大堰亦曰溯堰又謂金隄左思賦西踰金隄者也寰宇記導江縣有都安堰一名溯堰李水擁江作珊蜀人謂堰為珊

桺癭

曹植詩我

寄董卿嘉榮十韻

聞道君牙帳防秋近赤霄下臨千雪嶺一作千雪却背五
繩橋海內久戎服京師今晏朝□□曾爛熳宮闕尚
薰條猛將宜嘗膽龍泉必在腰黃圖遭汚辱月窟可
焚燒會取干戈利無令斥候驕居然雙捕□自是一
嫖姚落日思輕騎高一作秋天憶射雕雲臺畫形像皆為

掃氛妖

君牙

吳若本注云此邢君牙也本傳云田神功為充節度使使君牙將屯兵好時防秋神功鎮充節在代宗初故曰京師今晏朝是時君牙

尚徵在神功麾下乃名斥之按此詩言君牙帳者謂君之牙帳也雪嶺繩橋皆防西之地邢君牙領防秋兵入鎮好時又扈從代宗幸陝與此詩絕不相涉若但以君牙二字

牙帳

唐志佛堂一百八十里至勃令驛鴻臚館至贊普字曲說附會耳

朝也字本作牙詩曰祈父予王之爪牙祈父司馬掌武備象獸以爪牙為衛故軍前大旗謂之牙旗出師則有建牙馮牙之事軍中聽號令必至牙旗之下與府朝無異近俗尚武是以通呼公府門為牙門字訛變轉而為衙珣璜新論突厥畏李靖徙牙于積中牙者旗也東京賦竿上以象牙飾之後人遂以牙為衙

赤霄

鶴曰赤霄言三城之高高為衙適謂邈在窮山之巔是也

寄司馬山人十二韻

關內昔分袂天邊今轉蓬驅馳不可說談笑偶然同道術曾留意先生早擊蒙家家迎薊子處處識壺公長嘯峨嶂北潛行玉壘東有時騎猛虎虛室使仙童

髮少何勞白顏衰肯更紅望雲悲轆軻畢景美冲融

喪亂形仍役淒涼信不通懸旌要路口倚劍短亭中

永作殊方客殘生一老翁相哀骨可換亦遣馭清風

壺公

水經注昔費長房為市吏見王壺公懸壺郡市長房從之因而自退同入此壺隱淪仙路骨謝懷靈無會而返離能使鬼神而終同物化

寄李十四員外布十二韻

除司議郎兼萬州別駕雖尚伏枕已聞理裝

名叅漢望苑職述景題輿巫峽將之郡荆門好附書

遠行無自苦內熱比何如正是炎天濶那堪野館疎

黃牛平駕浪盡鷁上凌虛試待盤渦歇方期解纜初

悶能過小徑自一作日為摘嘉蔬渚柳元幽僻村花不掃

除宿陰繁素柰過雨亂紅蕖寂寂夏先晚泠泠風有

餘江清心可瑩竹冷髮堪云梳直作移巾几秋帆發

弊廬

題輿

謝承書周景為豫州辟陳蕃為別駕不就景題別駕輿曰陳仲舉坐也不復更辟蕃惶懼起視職

歸來

客裏有所過

一作適

歸來知路難開門野鼠走散帙壁魚

乾洗杓開新醞低頭拭小盤

一云著小冠

憑誰給麴細酌

老江干

壁魚

爾雅蠙白魚注衣書中蟲一名蛎魚本草謂之衣魚

王錄事許脩草堂貲不到聊小詰

為嗔王錄事不寄草堂貲昨屬愁春雨能忘欲漏時

寄邛州崔錄事

邛州崔錄事聞在果園坊

坊名在成都

久待無消息終朝有

底忙應愁江樹遠怯見野亭荒浩蕩風塵一作煙外誰知酒熟香

過故斛斯校書莊二首

老儒艱難時病於庸蜀英華注云歎其沒後方授一官公名融

此老已云歿鄰人嗟亦休

一云歎未休

竟無宣室召徒有茂

陵求妻子寄他食園林非昔遊空堂總帷在浙浙野

風秋

鷺入非傍舍鷗歸祇故池斷橋無復板臥柳自生枝
遂有山陽作多慙鮑叔知素交零落盡白首淚雙垂

公詩有走覓南鄰愛酒伴注云斛斯融吾酒徒

立秋雨院中有作

山雲行絕塞大火復西流飛雨動華屋蕭蕭梁棟秋

窮途愧知己暮齒借前籌已費清晨謁那成長者謀
解衣開北戶高枕對南樓樹溼風涼進江喧水氣浮
禮寬心有適節爽病微瘳主將歸調鼎吾還訪舊丘

軍城早秋

嚴武

昨夜秋風入漢關朔雲邊雪一作月滿西山更催飛將追
驕一作放莫遣沙場匹馬還

奉和

秋風嫋嫋動高旌玉帳分弓射一作營已收滴博雲間
戍更奪胡三省蓬婆雪外城

嚴武傳廣德二年破吐蕃七萬餘眾拔當狗城十月取鹽川城崔旰傳武遣旰統兵西山拓地數百里滴博困學紀聞的博
傳出西山靈關敍殺和通錫定廉城喻的博嶺遂圍維州搏雞樓攻下羊溪等三城取劍山也焚之李義山獻杜僕射詩南詔應開命西山莫敢驚奇辭

收的博端蓬婆元和郡國志柘州城西面險阻易于固守有安戎江蓬婆
坐掃攬槍水在州南三十里大雪山一名蓬婆山在柘縣西北一百里吐蕃傳開元二十六年王昱率劍南兵攻安戎頓兵於蓬婆嶺下
運劍南道資糧以守之胡三省曰新書作蓬婆嶺其地在雪山外

院中晚晴懷西郭茅舍

幕府秋風日夜清澹雲疎雨過高城葉心朱實看一作堪
時落階面青苔先自生復有樓臺銜暮景不勞鐘鼓
報新晴浣花溪裏花饒笑肯信吾兼一作今吏隱名

張璠曰此公有不樂於幕府者也明年正月遂行歸草堂

到村

碧澗雖多雨秋沙先去聲少泥蛟龍引子過荷菱逐
花低老去叅戎幕歸來散馬蹄稻梁須就列榛草即
相逃蓄積思江漢疎頑吳作惑一作町畦稍吳作酬知己分

還入故林栖

引子

西京雜記：瓠子河決有蛟龍從九子自决中逆上入河噴沫流波數十里

宿府

清秋幕府井梧

一作桐

寒獨宿江城蠟炬

一作燭

殘永夜角聲

悲自語中天月色好誰看風塵荏苒音書絕關塞蕭

條行路難已忍伶俜十年事強移栖息一枝安

遣悶奉呈嚴

吳本有鄭字

公二十韻

白水魚竿客清秋鶴髮翁胡為來

一作居

幕下祇合在舟

中黃卷真如律青袍也

夜音

自公老妻憂坐痺幼女問

頭風平地專欹倒分曹失異同禮甘衰力就義忝上

官通疇昔論詩早光輝仗鉞雄寬容存性拙剪拂念

途窮露裛思藤架煙霏想桂叢信然龜觸網直作鳥

窺籠西嶺紆村北南江遶舍東竹皮寒舊翠椒實雨

新紅浪簸船應坼杯乾甕卽空藩籬生野徑斤斧任

樵童束縛酬知己蹉跎効小忠周防期稍稍太簡遂

忽忽曉入朱扉啓昏歸盡角終不成尋別業未敢息

微躬烏鵲愁銀漢鴛鴦怕錦幪會希全物色時放倚

梧桐

南江

南江卽二江也舊書云結廬枕江元和郡國志大江一名汶江一名流江經成都縣南七里李冰穿二江成都中皆可行舟于浣花里

曉入

周益公詩話韓退之上張僕射書云使院故事晨入夜歸非有疾病事故輒不許出押而行之必發狂疾乃知唐藩鎮之屬皆晨入昏歸

亦自少暇如牛僧孺待杜牧固不以常禮也

送舍弟頻

草堂本作穎

赴齊州三首

岷嶺南蠻北徐關東海西此行何日到送汝萬行啼
絕域惟高枕清風獨杖藜危時暫相見衰白意都迷
風塵暗不開汝去幾時來兄弟分離苦形容老病催
江通一柱觀日落望鄉臺客意長東北齊州安在哉
諸姑今海畔兩弟亦山東去傍干戈覓來看道路通
短衣防戰地匹馬逐秋風莫作俱流落長瞻碣石鴻

諸姑

鶴曰公作范陽太君盧氏墓誌密言之女薛氏所出者適魏上瑜裴榮期盧正均皆前卒盧氏所出者適京兆王佑會稽賀瑒會稽瀕干

海碣石

淮南覽真訓遇歸雁干碣石廣絕交論秋歸鴻干碣石

嚴鄭公塔下新松

得雷字

弱質豈自負移根方爾瞻細聲聞一作玉帳疎翠近殊
簾未見紫煙集虛蒙清露霑何當一百丈欹蓋擁高

簷

嚴鄭公宅同咏竹

得香字

綠竹半含籜新梢纔出墻色侵書帙晚陰過酒樽涼
雨洗娟娟淨風吹細細香但令無剪伐會見拂雲長

奉觀嚴鄭公廳事岷山沱江畫圖十韻

得志字

沱水流一作中座岷山到一作此一作堂白波吹一作粉壁青
嶂插離梁直訝杉松冷兼疑菱荇香雪雲虛點綴沙
草得微茫嶺鴈隨毫末川蜺飲練光霏紅洲藥亂拂
黛石蘿長暗谷一作非關雨丹楓一作不為霜秋成一作立
圃外景物洞庭旁繪事功殊絕幽襟興激昂從來謝
太傅丘壑道難忘

晚秋陪嚴鄭公摩訶池泛舟
得溪字
湍駛風醒酒船廻一作行霧起隄高城秋自落雜樹晚相
迷坐觸鴛鴦起巢傾翡翠低莫須驚白鷺爲伴宿青
溪

摩訶池

寰宇記汗池一名摩訶池昔蕭摩訶所置在
錦城西元和郡國志摩訶池在州中城西

初冬

垂老戎衣窄歸休寒色一云氣深漁舟上急水獵火著高
林日有習池醉愁來梁甫吟干戈未偃息出處遂何
心

至後

冬至至後日初長遠在劔南思洛陽青袍白馬有何

意金谷銅駝非故鄉梅花欲開不自覺棣萼一別永
相望愁極本憑詩遣興詩成吟詠轉淒涼

金谷

水經注金谷水出河南太白原東南流歷
金谷謂之金谷水東南流經石崇故居

銅駝

陸機洛陽記漢鑄
銅駝二枚在官南

四會道頭
夾路相對

正月三日歸溪上有作簡院內諸公

野外堂依竹籬邊水向城蟻浮仍臘味鷗泛已春聲
藥許隣人斲書從稚子擎白頭趨幕府深覺負平生
弊廬遣興奉寄嚴公

野水平橋路春沙映竹村風輕粉蝶喜花暖蜜蜂喧
把酒且一作宜深酌題詩好細論府中瞻暇日江上憶詞
源跡忝一作寄朝廷舊情依節制尊還思長者轍恐避席

爲門

春日江村五首

農務村村急春流岸岸深乾坤萬里眼時序百年心
茅屋還堪賦桃源自可尋艱難賤一作淺生理飄泊到

如今

乾坤二句

鮑明遠詩爭先萬里途各事百年身

迢遞來三蜀蹉跎有

一作

六年客身逢故舊發興自林

泉過懶從衣結頻遊

任履穿藩籬無限景

陳川本並作頗無限恣意

買一作向江天

種竹交加翠栽桃爛熳紅經心石鏡月到面雪山風
赤管隨王命銀章付老翁豈知牙齒落名玷薦賢中

赤管

漢官儀尚書令僕丞郎月給赤管大筆一雙篆題曰北宮著作又二千石以上銀印龜鈕刻曰某官之章

扶病垂朱紱歸休步紫苔郊扉存

一作

晚計幕府媿羣

材燕外晴絲卷鷗邊水葉開鄰家送魚鼈問我數能

來

羣盜哀王粲中年召賈生登樓初有作前席竟爲榮

宅入先賢傳才高處士名異時懷二子春日復含情

先賢傳

郡國志長沙南寺賈誼宅亦陶侃宅在焉殷芸小說湘川有南

傍局脚石床容一人坐即誼所坐也出盛弘之荆州記又云誼宅今爲陶侃廟時種甘猶有存者出庾穆之湘州記襄沔記繁欽宅王粲宅並在襄陽井

臺尚存

絕句六首

日出籬東水雲生舍北泥竹高鳴翡翠沙僻舞鷗一作鷗

鷄

藹藹花藥亂飛飛蜂蝶多幽棲身懶動客至欲如何

鑿井交櫻葉吳若木注交櫻作井綆也開渠斷竹根扁舟輕裊纜小逕

曲通村

急雨捎溪足斜暉轉樹腰隔巢黃鳥竝翻藻白魚跳

舍下笋穿壁庭中藤刺一作到簷地晴絲冉冉江白草纖

織

江動月移石溪虛雲傍花鳥棲知故道帆過宿誰家

絕句四首

堂西長笋別開門塹北行椒却背村梅熟許同朱老

喫松高擬對阮生論朱臨翁外相

欲作魚梁雲復一作覆湍因驚四月雨聲寒青溪先有蛟

龍窟竹石如山不敢安

兩箇黃鸝鳴翠柳一行白鷺上青天窓含西嶺千秋

雪門泊東吳萬里船西山白雪四時不消

藥條藥一作菜甲潤青青色過棕亭入草亭苗滿空山慙

取譽根居隙地怯成形

杜工部集卷之十三

宜興縣陳維崧其年氏同校

季公琦希韓氏

杜工部集卷之十四

虞山蒙叟錢謙益箋註

近體詩一百十九首行過戎渝州居雲安夔州作

哭嚴僕射歸櫬

素幔隨流水歸舟返舊京老親如宿昔部曲異平生

風送一作逆蛟龍雨一作匣天長驃騎營一哀三峽暮遺後見

君情

蛟龍匣西京雜記漢帝送死皆珠襦玉匣武帝匣上皆鏤為蛟龍鸞鳳龜麟之象世謂為蛟龍玉匣按霍光傳賜璧珠璣玉衣梓宮則

人臣亦可稱蛟龍匣也

宴戎州楊使君東樓

勝絕驚身老情忘發興奇座從歌妓密樂任主人為

重碧指一作酷一作拈春一作筒酒輕紅擘荔枝樓高欲愁思
橫笛未休吹

戎州

太平寰宇記春秋為夔侯國梁為戎州隋煬帝廢以其地為犍為郡

拈酒

趙曰元稹元日詩羞看稚子先拈酒白樂天歲

假詩歲酒先拈辭不得拈荔枝荔枝寰宇記戎州犍道縣有荔枝園郡國志云夔任施夔中最賢者古所謂夔值之
酒唐人語也作酷非是
富多以荔枝為業園植萬株一樹可收一百五十斛又有荔枝灘方輿勝覽荔枝廳在倅廳名曰萬朶紅又一本在尉廳一樹四柯西南一柯獨肉厚而味甘
黃魯直云

渝州候嚴六侍御不到先下峽

聞道乘驄發沙邊待至今不知雲雨散虛費短長吟
山帶烏蠻闊江連白帝深船經一柱觀留眼一作滯共登臨

渝州

元和郡國志渝州古之巴國也開皇元年改為渝州以渝水為名寰宇記其地東至魚復西連犍道北接漢中南極牂牁

峽

寰宇記明月峽在巴縣東八十里

烏蠻

梁益州記雋州雋山其地接諸蠻部有烏蠻秋蠻

撥悶

一云贈嚴二別駕

聞道雲安麴米春纔傾一盞卽醺人乘舟取醉非難
事下峽消愁定幾巡長年三老遙憐汝板拖開頭一作鳴鏑
捷有神已辦青錢防雇直當令美味入吾唇

麴米春

東坡云退之詩且可勒買拋青春杜詩有麴米春裴嗣傳奇有松醪春國史補云郢之富水烏程之若下榮陽之士窟春富平

之石凍春劔南之燒春乃知唐人名酒多以春也

聞高常侍亡

忠州作

歸朝不相見蜀使忽傳亡虛歷金華省何殊地下郎
致君丹檻折哭友白雲長獨步詩名在祗令故舊傷

永泰元年正月左散騎常侍高適卒

宴忠州使君姪宅

出守吾家姪殊方此日歡自須遊阮巷一作舍不是怕湖

灘樂助長歌逸一作送杯一作林饒旅思寬昔曾如意舞牽

率強為看

忠州後漢巴東郡貞觀八年改臨州為忠州以地邊巴徼意懷忠信為名湖灘峽程記四百五十灘有清水重峰湖灘漢灘

禹廟

禹廟空山裏秋風落日斜荒庭垂橘柚古屋畫龍蛇

雲氣生虛壁一云嘯清壁江聲走白沙早知乘四載疏鑿一云流落

控三巴

禹廟方輿勝覽禹祠在忠州臨江縣南過岷江二里肥蛇招魂仰觀刻楠畫龍蛇此孫莘老云橋柏錫貢驅龍蛇皆禹之事公因見

三巴折三回如巴故謂三巴郭璞江賦巴東之峽夏后疏此有感也

鑿元和郡國志項羽封高祖為漢王王巴蜀天下既定乃分巴蜀置廣漢郡武帝又置犍為郡劉璋為益州牧於是分巴郡自墊江已下為永寧郡先王又以固陵為巴東郡于是巴郡分而為三號曰三巴

題忠州龍興寺所居院壁

忠州三峽內井邑聚雲根小市常爭米孤城早閉門

空一作豈看過客淚莫覓主人恩淹泊仍愁虎深居賴獨

園

陸務觀有龍興寺弔少陵先生寓居詩扈蹕老臣身蒞里天寒來此聽江聲寺門聽江聲甚壯

旅夜書懷

細草微風岸危檣獨夜舟星垂平野闊月湧大江流

名豈文章著官應老病休飄飄一作零何所以天地一作外

沙鷗星垂俗本多作星隨

別常徵君

兒扶猶杖策卧病一秋強白髮少新洗寒衣寬摠長
故人憂見及此別淚相忘各逐萍流轉來書細作行

十二月一日三首

今朝臘月春意動雲安縣前江可憐一聲何處送書

雁百丈誰家上水一作瀨船未將梅蕊驚愁眼要一作更取楸

一作花媚遠天明光起草人所羨肺病幾時朝日邊

雲安冬蒸地原有煙霧又家有鹽井其俗以女當門戶多取鹽自給

寒輕市上山煙碧日滿樓前江霧黃負鹽出井此谿
女打鼓發船何郡郎新亭舉目風景切茂陵著書消
渴長春花不愁不爛熳楚客唯聽棹相將

新亭

山謙之丹陽記新亭吳舊亭也隆安中丹陽尹司馬恢移創今地

楚客

夔為南楚故公謂楚客將送也

即看鷺子入山扉豈有黃鸝歷翠微短短桃花臨水
岸輕輕柳絮點人衣春來準擬開懷久老去親知見
面稀他日一盃難強進重嗟筋力故山違

又雪

南雪不到地青崖露未消微微向日薄脉脉去人遙
冬熱鴛鴦病峽深豺虎驕愁邊有江水焉得北之朝

奉漢中王手札

國有乾坤大王今叔父尊剖符來蜀道歸蓋取荆門
峽險通舟過陳作峻江長注海奔主人畱上客避暑得名
園前後緘書報分明饌玉恩天雲浮絕壁風竹在華

軒已覺良宵永陳作峻何看駭浪翻入期朱邸雪朝傍紫
微垣枚乘文章老河間禮樂存悲秋宋玉宅失路武
陵源淹薄俱崖口東西異石根音逃咫尺鬼物傷
一作倚黃昏犬馬誠為戀狐狸不足論從容草奏罷宿昔
奉清鑄

贈崔十三評事公輔

飄飄吳作西極馬來自渥洼池颯颯定一作寒山桂低徊
風雨枝我聞龍正直道屈爾何為且有元戎命悲歌
識者誰吳作官聯辭冗長行路洗歛危脫劍主人贈去
帆春色隨陰沉鐵鳳闕教練羽林兒天子朝侵早雲
臺仗數移分軍應供給百姓日支離黠吏因封已公

才或守雌燕王買一作賈駿骨渭老得熊羆活國名公在
拜壇群寇疑冰壺動瑤碧野水失蛟螭入幕諸彥集
渴賢高逸宜騫騰坐可致九萬起於斯復進出矛戟
昭然開鼎彝會看之子貴歎及老夫衰豈但江魯決
還思霧一披暗塵生古鏡拂匣照西施舅氏多人物
無慙困翮垂

寒山謝靈運入華子岡詩南
州實炎德桂樹凌寒山

長江二首

眾水會涪萬瞿塘爭一門朝宗人共挹盜賊爾誰尊
孤石隱如馬高蘿垂飲猿歸心異波浪何事即飛翻
涪萬鶴曰瞿塘在夔州東一
里而雲安在州西百三十里雲
安與萬州為鄰使君一灘占西境故此詩為雲安作瞿塘水經
注峽

中有瞿塘黃龍二灘夏水廻復浚沂所忌寰宇記瞿塘在夔州東一里古
西陵峽也連崖千丈奔流電激舟人爲之恐懼方輿勝覽瞿塘峽乃三峽
之門兩崖對峙中如馬寰宇記灩澦堆周圍二十丈在州西南二百步
貫長江望之如門蜀江中心瞿塘峽口李膺益州記云灩澦堆夏
水漲沒數十丈其狀如馬舟人不敢進又曰猶預言舟子取途不
決水脉故猶預也樂府作滹豫其歌曰滹豫大如馬瞿塘不可下飲猿
水經注巴東郡治白帝山城西南臨大江關之眩目唯馬嶺小差透迤猶
斬爲路羊腸數四然後得上益州刺史鮑陋鎮此爲譙道福所圍城裏無
泉乃南開水門鑿石爲函道上施木天公直下至江中有似猿臂相牽汲
引然後得水水門之西江中有孤石爲滹豫石冬出水二十餘丈夏則沒
亦有裁
出矣

浩浩終不息乃知東極臨一作深衆流歸海意萬國奉君
心色借瀟湘闊聲驅灩澦深一作沈未辭添霧雨接上

遇一作過衣襟

承聞故房相公靈輓自閬州啓殯歸葬東都有
作二首

遠聞房太守一作尉歸葬陸渾山一德興王後孤魂久客

間孔明多故事安石竟崇班他日嘉陵涕仍霑楚水

還

陸渾山舊書瑄少好學與東平呂向隱於一德伊尹作咸有一德

躬暨湯咸有一德瑄建分鎮討賊之議首定興復之功故以一德興王許

之瑄爲肅宗所惡幾有伊生嬰戮之禍故以伊尹比之亦寓意于玄肅父

子之孔明蜀志臣壽等言臣前在著作郎侍中領中書監濟北侯臣荀彧

問也安石王獻之傳謝安薨贈禮有異同之議惟獻之嘉陵寰宇記周

源出秦州嘉陵因名嘉陵即嘉陵地圖云水

丹旄飛飛日初傳發閬州風塵終不解江漢忽同流

劔動新趙云善身匣書歸故國樓盡哀知有處爲客恐

長休

雲安九日鄭十八攜酒陪諸公宴

寒花開已盡菊蕊獨盈枝舊摘人頻異輕香酒暫隨
地偏初衣袂山擁更登危萬國皆戎馬酣歌淚欲垂

荅鄭十七郎一絕

雨後過畦潤花殘步履遲把文驚小陸好客見當時

將曉二首

石城除擊柝鐵鎖欲開關鼓角悲荒塞星河落曙山
巴人常小梗蜀使動無還垂老孤帆色飄飄犯百

蠻

軍吏回官燭舟人自楚歌寒沙蒙薄霧落月去清波
壯惜身名晚衰慙應接多歸朝日簪笏筋力定如何

懷錦水居止二首

軍旅西征僻風塵戰伐多猶一作獨聞蜀父老不忘舜謳
歌天險終難立柴門豈重過朝朝巫峽水遠逗錦江

波

萬里橋南當作西宅百花潭北莊層軒皆百水老樹飽經
霜雪嶺界天白錦城曠日黃惜哉形勝地回首一茫

茫

子規

峽裏雲安縣江樓翼瓦齊兩邊山木合終日子規啼
眇眇春風見蕭蕭夜色淒客愁那聽此故作傷人低

一作故傷旅人低

吳會漫錄鮑彪詩譜柳子厚永州遊山記云多種歸之禽種歸是蜀中地名疑其地多此禽也史記曆書種鳩先澤注種音妙鳩音規子規鳥也名鸚鵡乃知子規作種歸不為無本矣按酈道元水經注乃縣之名種歸以屈原姊得名鮑說非也

立春

春日春盤細生菜忽憶兩京梅發時盤出高門行白
玉菜傳纖手送青絲巫峽寒江那對眼杜陵遠客不
勝悲此身未知歸定處呼兒覓紙一題詩

春盤

拂遺東晉李鄴立春日命以蓋葍芹芽為菜盤相傳四時寶鏡立春日春餅生菜號春盤
高門 三輔舊事武帝於未央宮起高門武臺殿鮑宣傳高門去省戶數十步求見出人二年未省水經注北出西頭第二門本名洛門又曰朝門一曰高門蘇林曰高門長安城北門也一曰厨門其內有長安厨官在東故曰厨門也

漫成一絕

江月去人只數尺風燈照夜欲三更沙頭宿鷺聯拳

靜

一作起船尾跳魚撥一作跋刺鳴

撥刺

吳會漫錄思玄賦云彎威弧之撥刺注撥刺張弓聲而非魚也太白詩雙鯉呀呷鱗鬣張跋刺銀盤欲飛去意與杜同以撥為跋

老病

老病巫山裏稽留楚客中藥殘他日裏花發去年叢
夜足露沙雨春多逆水風合分雙賜筆猶作一飄蓬
賜筆 漢官儀尚書丞郎月給赤管大筆一雙喻廉墨一枚

南楚

南楚青春異暄寒早早分無名江上草隨意嶺頭雲
正月蜂相見非時鳥共聞杖藜妨躍馬不是故離群
寄常徵君

白水青山空復春徵君晚節傷風塵楚妃堂上色殊

衆海鶴堦前鳴向人萬事糾紛猶絕粒一官羈絆實
藏身開州入夏知涼冷不似雲安毒熱新

開州

開州盛山郡巴郡胸臆縣地東至夔州雲安縣龍目驛一百九十里

寄岑嘉州

州據蜀江外

不見故人十年餘不道故人無素書願逢顏色關塞
遠豈意出守江城居外江三峽且相接斗酒新詩終
日一作自疎謝眺每篇堪諷誦馮唐已老聽吹噓泊船秋
夜經春草伏枕青楓限玉除眼前所寄選何物贈子
雲安雙鯉魚

按杜確岑嘉州詩集序參自庫部正郎出為嘉州杜鴻漸表為職方郎中兼侍御史列於幕府無幾使罷寓居于蜀鴻漸使罷還朝在大曆二年六月則公寄此詩當在元年

移居夔州郭

伏枕雲安縣遷居白帝城春知催柳別江與一作已放船
清農事聞人說山光見鳥情禹功饒斷石且就土微
平

夔州

寰宇記夔州春秋時為夔子國秦為巴郡地漢屬益州剖漢書地理志云江關都尉理魚復有橋官即此地也公孫述至魚復有白

龍出井中因號魚復為白帝城蜀先主敗于彝陵退屯白帝改為永安郡武德二年改夔州天寶元年改雲陽郡乾元元年復為夔州夔州雲安縣上水去夔州奉節縣二百四十三里微平水經注江水又東逕廣谿峽斯乃三峽之首也皆開鑿而成故少平土惟夔州稍平耳

舫下夔州郭宿雨濕不得上岸別王十二判官

依沙宿舸舫石瀨月娟娟風起春燈亂江鳴夜雨懸
晨鐘雲外岸濕勝地石堂燼柔櫓輕鷗外含悽覺汝

賢

雨不絕

鳴雨既過漸細晉作細雨微映空搖颺如絲飛堦前短草泥

不亂院裏長條風乍稀舞石旋應將乳子行雲莫自

濕仙衣眼邊江舸何忽促未待晉作得安流逆浪歸

舞石水經注石鸞山其山有石紺而狀鸞因以名山其石或大或小若
母子焉及雷風相薄則石鸞群飛頡頏如真鸞矣羅君章云今鸞

不必復
飛也

崔評事弟許相迎不到應慮老夫見泥雨怯出
必愆佳期走筆戲簡

江閣要賓許馬迎午時起坐自天明浮雲不負青春
色細雨何孤白帝城身過花間露濕好醉於馬上往

來輕虛疑皓首衝泥怯實少銀鞍傍險行

宿江邊閣

暝色延山逕高齋次水門薄雲巖際宿孤月浪中翻

鸛鶴追飛靜一作盡豺狼得食喧不眠憂戰伐無力正乾

坤

夜宿西閣曉呈元二十一曹長

城暗更籌急樓高雨雪微稍通綃幕霽遠帶玉繩稀

門鵲晨光起一作喜牆一作橋烏宿處飛寒江流甚細有意待

人歸

橋烏橋烏舊注以為相風之鳥又謂
門鵲指門端刻鵲皆曲說也

西閣口號呈元二十一

杜集卷十四

山木抱雲稠寒江繞上頭雪崖纔變石風慢不依樓
社稷堪流涕安危在運籌看君話王室感動幾銷憂

西閣雨望

樓雨霑雲幔山寒一作高著水城逕添沙面出湍減石稜
生菊蕊凄疎放松林駐遠情滂池朱檻濕萬一作方慮傷
一作倚簷楹

不離西閣二首

江柳非時發江花冷色頻地偏應有瘴臘近已含春
失學從愚子無家住一作任老身不知西閣意肯別定畱

一作何人

舊注落句言西閣之意肯令我別乎莫定畱人也

西閣從人別人今亦故亭江雲飄素練一作葉石壁斷一作斬
空青滄海先迎日銀河倒列星平生耽勝事吁駭始
初經

西閣三度期大昌嚴明府同宿不到

問子能來宿今疑索故要匣琴虛夜夜手板自朝朝
金吼霜鐘徹花催臘一作蠟炬銷早鳧江檻底雙影漫飄

飄

霜鐘

山海經豐山有九鐘焉是知霜鳴郭云霜降則鐘鳴故言知也

西閣二首

巫山小搖落碧色見松林百鳥各相命孤雲無一作非自
心層軒俯江壁要路亦高深朱綬猶紗帽新詩近玉

琴功名不早立衰病一作疾謝知音哀世非一作無王粲終然

一作朝學越吟

相命

登樓賦鳥相鳴而舉翼大戴禮夏小正曰鳴也者相命也

越吟

登樓賦莊烏顯而越吟

懶心似江水日夜向滄洲不道含香賤其如鑷白休

經過調

一作調

碧柳蕭索

一作瑟

倚朱樓畢娶何時竟消中得

自由豪

一作榮

華看古往服食寄冥搜詩盡人間興兼須

入海求

含香

漢官儀尚書郎握蘭含雞舌香奏事與黃門侍郎對揖

閣夜

歲暮陰陽催短景天涯霜雪霽寒宵五更鼓角聲悲

壯三峽星河影動搖野哭幾

一作千

家聞戰伐□歌一作數

處起漁樵卧龍躍馬終黃土人事依依漫一作音塵日寂一作音音願

寥

星河

天官書天一槍梃矛盾動搖角大兵起漢書元光中天星盡搖上以問候星者對曰星搖者民勞也後伐四曰百姓勞于兵革漢武

躍馬

吳若本注夔州有白帝祠郭外有孔明廟

卧龍

西閣夜

恍惚寒山暮逶迤白霧昏山虛風落石樓靜月侵門擊柝可憐子無衣何處村時危關百慮盜賊爾猶存

灤西寒望

水色含群動朝光切太虛年侵一作終頻悵望興遠一蕭疎猿挂時相學鷗行烟自如瞿塘春欲至定卜灤西

居

讓西

方輿勝覽大讓水在奉節縣入蜀
記土人謂山間之流通江者曰讓

人宅二首

赤甲白
鹽二山

奔峭背赤甲斷崖當白鹽客居愧遷次春酒漸多添
花亞欲移竹鳥窺新捲簾衰年不敢恨勝槩欲相兼

奔峭

謝靈運詩徒旅苦奔峭善引淮南子岸峭
者必陀許慎曰陀落也然則峭亦落也

赤甲

水經江水又東
南逕赤甲西注

是公孫述所造因山據勢周迴七里一百四十步東高二百丈西北高一
千丈南連基白帝山甚高大不生樹木其石悉赤土人云如人袒胛故謂
之赤岬山淮南子曰徬徨于山岬之傍注岬也郭仲產曰斯名將
因此而興矣州圖記云魚復縣西北赤甲城東連白帝城西臨大江
白鹽水經注廣谿峽斯乃三峽之首也其間三十里頽巖倚木厥勢殆交北
岸山上有神淵淵北有白鹽崖高可千餘丈俯臨神淵土人見其高白
故因名之寰宇記白鹽山
在州城洞東山半有龍池

亂後居難定春歸客未還水生魚復浦雲暖麝香

函關

樊作
拾

山半頂梳頭白過眉拄杖班相看多使者一一問

魚復浦

寰宇志奉節縣本漢魚復縣也今縣北三十里有赤甲城是舊
魚復縣其地理志江關都尉理魚復有橋官水經注江水又東

逕魚復縣故城南故魚國也地志夔治魚復澗
風濤電射巨魚却而不得上故名曰魚復浦也

麝香山

寰宇志在
秭歸縣東

南一百一
十里多巖

宋玉歸州宅雲通白帝城吾人淹老病旅食豈才名
峽口風常急江流氣不平只應與兒子飄轉任浮生

歸州

漢志秭歸本國杜預曰夔國唐置歸
州西溪叢語曰歸州亦有宋玉宅

赤甲

卜居赤甲遷居新兩見巫山楚水春炙背可以獻天
子美芹由來知野人荊州鄭薛寄書近蜀客郗岑非

我鄰笑接郎中評事飲病從深酌道吾真

炙背

嵇康絕交書野人有快炙背而美芹子者欲獻之至尊雖有區區之意亦已疎矣

郗岑

符載楊嗣墓志永泰三載相國

杜公鴻漸泰授犀浦縣令僚友杜員外甫岑即中參鄰舍人昂聞公擢落失聲咨嗟鄭薛即鄭審薛據也

卜居

歸羨遼東鶴吟同楚執珪未成遊碧海著處覓丹梯

雲障

一作

寬江左

一作

春耕破灤西桃紅客若至定似昔

人逃

暮春題灤西新賃草屋五首

久嗟三峽客再與暮春期百舌欲無語繁花能幾時谷

虛雲氣薄波亂日華遲戰伐何由定哀傷不在茲

此邦千樹橘不見比封君養拙干戈際全生麋鹿群

畏人江北草旅食灤西雲萬里巴渝曲三年實飽聞

封君

水經注沅水東歷龍陽縣之汜洲洲長二十里吳丹陽太守李衡植柑于其土臨死勅其子曰吾洲里有木奴千頭不責衣食歲絹千疋太史公曰江陵千樹橘可當

巴渝曲

晉樂志漢高祖自蜀漢將定三秦關中范因率實人

以從帝為前鋒及定秦中封國為閬中侯復實人七姓其俗喜舞高祖樂其猛銳數觀其舞後使樂人習之閬中有渝水因其所居故名曰巴渝舞

三年

公以永泰元年五月下忠渝至夔大曆三年正月出峽今二年之暮春故曰三年

綵雲陰復白錦樹曉

一作

來青身世雙蓬鬢乾坤一草

亭哀歌時自短醉舞為誰醒細雨荷鋤立江猿吟翠

屏

壯年

一作

學書劍他日委泥沙事主非無祿浮生即有

涯高齋依藥餌絕域改春華喪亂丹心破王臣未一

家

欲陳濟世策已老尚書郎未息豺虎鬪空慙鴛鴦行
時危人事急晉作惡風逆晉作急羽毛傷落日悲江漢中宵淚
滿床

園

仲夏流多水清晨向小園碧溪搖艇闊朱果爛枝繁
始為江山靜終防市井喧哇蔬繞茅屋自足媚盤飧

豎子至

檀梨且一作綴碧梅杏半傳黃小子幽園至輕寵熟奈
香山風猶滿把野露及新嘗欲寄一作欲江湖客提攜日
月長

檀山海經洞庭之山其木多粗梨橘櫟奈蜀都賦朱櫻春熟奈奈夏成

示獠奴阿段

山木蒼蒼落日曛竹竿裊裊細泉分郡人入夜爭餘
瀝一作雅豎子尋源獨不聞病渴三更迴白首傳聲一注
濕青雲曾驚陶侃陶侃曰奴未詳所奴出舊引偽據注今

獠奴

北史獠無名字以長幼次第呼之丈夫稱阿暮阿段婦人稱阿口阿等之類削之有人云見劉敬叔異苑考之仍是偽蘇注也
異苑是流俗刻本或繕寫人勦入耳不足援據

秋野五首

秋野日疏一作荒蕪寒江動碧虛繫舟蠻井絡一作路卜宅楚
村墟棗熟從一作行人打葵荒欲自一作且鋤盤殮老夫食分

減及溪一作樵魚

井絡

蜀都賦岷山之精上為井絡注日岷山之地為東井維絡也

易識浮生理難教一物違水深魚極樂林茂鳥知歸
吾老甘貧病榮華有是非秋風吹几杖不厭此一作北山

薇

禮樂攻吾短山林引興長掉頭紗帽仄曝背竹書光
風落收松子天寒割蜜房稀疎小紅翠駐屐近微香

密房

蜀都賦密房郁毓被其阜
班固終南頌密房層其巔

遠岸秋沙白連山晚照紅潛鱗輸駭浪歸翼會高風
砧響家家發樵聲箇箇同飛霜任青女賜被隔南宮

青女

淮南子秋三月青女乃出以降霜雪高誘注曰青女天神青女
玉女王霜雪也昭明太子博山香鑪賦青女司寒紅花鬢景

被

藥崧傳詔大官賜尚書
郎已下食并給帷被

身許騏驎晝年哀鴛鴦群大江秋易盛空峽夜多聞

逕隱千重石帆畱一片雲兒童解蠻語不必作參軍

溪上

峽內淹畱客溪邊四五家古苔生迳一作濕地秋竹隱

疎花塞俗人無井山田飯有沙西江使船至時復問

京華

樹間

岑寂雙甘樹婆娑一院香交柯低几杖垂實礙衣裳

滿歲如松碧同時待菊黃幾迴露葉一作落露乘月坐

牀

課小豎鉏斫舍北果林枝蔓荒穢淨訖移牀三

首

一云秋日
閑居三首

病枕依茅棟荒鉏淨果林背堂資僻遠在野興清深
山雉防求敵江猿應獨吟洩雲高不去隱几亦無心
衆壑生寒早長林卷霧齊青蟲懸就日朱果落封一作
泥薄俗防人一作狸一作面全身學馬蹄吟詩坐一作重迴首隨意
葛巾低

籬弱門何向沙虛岸只一作自摧日斜魚更食客散鳥還
來寒水光難定秋山響易哀天涯稍曛黑倚杖更一作獨
徘徊

寒雨朝行視園樹

柴門雜樹向千株丹橘黃甘此地無江上今朝寒雨
歇籬中秀一作邊新色畫屏紆桃蹊李逕年雖故一作古梔子紅

椒艷復殊鑠石藤梢元自落倚一作到天松骨見來枯林
香出實垂將盡葉蒂辭一作離枝不重蘇愛日恩光蒙借
貸清霜殺氣得憂虞衰顏更一作動覓藜床坐緩步仍須
竹杖扶散騎未知雲閣處啼猿僻在楚山隅

雲閣

秋興賦寓直于散騎之
省高閣連雲陽景罕曜

季秋江村

喬木村墟古疎籬野蔓懸清一作素琴將暇日白首望霜
天登俎黃甘重支床錦石圓遠遊雖寂寞難見此山
川

小園

由來巫峽水本自楚人家客病畱因藥春深買爲花

秋庭風落果灑岸雨頽沙問俗營寒事將詩待物華

自灑西荆扉且移居東屯茅屋四首

白鹽危嶠北赤甲古城東平地一川穩高山四面同

煙霜淒野日秔稻熟天風人事傷蓬轉吾將守桂叢

東屯

困學記聞東屯乃公孫述留屯之所距白帝五里東屯之田可百少平曠東屯距白帝五里而近稻田水畦延袤百頃前帶清溪後枕崇岡樹林葱蘢氣象深秀稱高人逸士之居四川總志大灑水府治東自達州萬頃地發源經此流入大江東灑水府治東十里公孫述于東濱墾稻田號曰東屯夔門志曰東屯諸處宜瓜疇芋區灑西亦然陸務觀記東屯李氏居已數世上距少陵經三易主大曆初故券猶在王龜齡云世傳計臺乃少陵舊宅今有祠堂舊經云少陵祠有三在漕臺秦節縣及東屯三處

東屯復灑西一種住青溪來往皆兼茅屋淹留為稻

畦市喧宜近利唐林僻此無蹊若訪衰翁語須令賸

客逃

賸客

陸機詩遊賞愧賸客

道北馮都使高齋見一川子能渠細石吾亦沼清泉

枕帶一作席還相似柴荆卽有焉斫畚應費日解纜不知

年

高齋

陸務觀高齋記少陵居夔三徙居皆各高齋其詩曰次水門者白帝城之高齋也曰依藥餌者灑西之高齋也曰見一川者東屯之高齋也故又曰高齋非一處按此云高齋馮都使之高齋也

牢落西江外參差北戶間火遊巴子國吳作宅卧病楚人

山幽獨移佳境清深隔遠關寒空見鴛鷺迴首憶晉作想

朝班

茅堂檢校收稻二首

香稻二秋末平田百頃間喜無多屋宇幸不礙雲山御

袂侵寒氣嘗新破旅顏紅鮮終日有玉粒未吾慳
稻米炊能白秋葵煮復新誰云滑易飽老藉軟俱勻種
幸房州熟苗同伊闕春無勞映渠盃自有色如銀

房州

房州唐與藥州並屬山南道

伊闕

伊闕屬河南府公有莊野在焉

東屯月夜

抱疾漂萍老防邊舊穀屯春農親異俗歲月在衡門
青女霜楓重黃牛峽水喧泥雷虎鬪跡月挂客愁村
喬木澄稀影輕雲倚細根數驚聞雀噪暫睡想猿蹲
日轉東方白風來北斗昏天寒不成寢無夢寄一作歸魂

東屯北崦

盜賊浮生困誅求異俗貧空村惟見鳥落日未一作逢
人步壑風吹面看松露滴身遠山迴白首戰地有黃
塵

從驛次草堂復至東屯二首

一本東屯下有茅屋二字

峽

陳作山

內

一作裏

歸田客

一作舍

江邊借馬騎非尋戴安道似向

習家池峽險風烟僻陳作合天寒橘柚垂築場看斂積一

學楚人為

短景難高卧衰年強此身山家蒸栗暖野飯射麋新
世路知交薄門庭畏客頻牧童斯一作須在眼日父實為鄰

暫往白帝復還東屯

復作歸田去猶殘穫稻功築場隣穴蟻拾穗許村童
落杵光輝白除一作殊芒子粒紅加食可扶老倉庾一作廩慰
飄蓬

刈稻了咏懷

稻穫空雲水川平對石門寒風疎落一作草木旭日散雞
豚野哭初聞戰樵歌稍出村無家問消息作客信乾

坤

上白帝城

城峻隨天壁樓高更一作望女墻江流思夏后風至憶襄
王老去聞悲角人扶報夕陽公孫初恃險躍馬意何
長

城峻

寰宇記荆州記云巴東郡峽上北岸有一山孤峙甚峭巴東郡據
以為城水經注云白帝山北緣馬嶺接赤岬山其間平處南北相
去八十五丈東西七十丈又東傍襄谿即以為隍西南臨大江瞰之眩目
惟馬嶺小差逶迤猶斬山為路羊腸數轉然後得上故記云寒山九坂最
為險

女墻

釋名城上垣謂之女墻言其卑小
比之干城如女子之於丈夫也

公孫

蜀都賦公孫
躍馬而稱帝

上白帝城二首

江城含變態一上一回新天欲今朝雨山歸萬古春
英雄餘事業衰邁久風塵取醉他鄉客相逢故國人
兵戈猶擁蜀賦歛強一作尚輸秦不是煩形勝深慙一作愁畏
損神

白帝空祠廟孤雲自往來江山城宛轉棟宇客徘徊
勇畧今何在當年亦壯哉後人將酒肉虛殿日塵埃
谷鳥鳴還過林花落又開多慚病無力騎馬入青苔

白帝廟

方輿勝覽白帝廟在奉節縣東八里舊州城內有三石筭猶存

武侯廟

遺廟丹青落一作古空山草木長猶聞辭後主不復卧南陽

武侯廟

方輿勝覽在夔州城中八陣臺下宋知州張震祠堂記唐夔州治白帝侯廟在西郊王十朋記武侯故祠在州之南門外城而

西少陵所謂西郊諸葛廟其在茲地乎

南陽

南雍州記隆中諸葛亮故宅有舊井一今涸無水盛弘之記云井深五丈廣五尺堂前有

三間屋基址極高云是孔明避水臺宅西有山臨水孔明當登之鼓琴而為梁父吟因名此山為樂山殷芸小說南陽是襄陽墟名非南陽郡也出

八陣圖

功蓋三分國名成八陣圖江流石不轉遺恨失吞吳

八陣

寰宇記八陣圖在奉節縣西南七里水經注江水又東逕諸葛亮圖壘南石磧平曠望兼川陸有亮所作八陣圖東跨故壘皆累細

石為之自壘西去聚石八行行間相去二丈因曰八陣既成自今行師更不覆敗皆圖兵勢行藏之權自後深識者所不能了荆州圖記云永安宮南一里渚下平磧上有孔明八陣圖聚細石為之各高五尺廣十圍歷然碁布縱橫相當中間相去九尺正中間南北巷悉廣五尺凡六十四聚或為人散亂及為夏水所沒冬水退復依然如故成都圖經武侯之八陣有三在夔者六十有四方陳法也嘉話錄王武子曾為夔州之西市俯臨江岸沙石下看諸葛亮八陣圖箕張翼舒鸞勢象石分布宛然尚存峽水大時巴蜀雪消之際大樹十圍枯槎百丈破磴巨石隨波塞川而下水與岸齊雷奔山裂聚石為堆者斷可知也及乎水落川平萬物皆失故態唯陣圖小石之堆標聚行列依然如是者垂六七百年陶灑推激迨今不動劉禹錫曰是諸葛公誠明一心為玄德効死見此法出六韜是太公上智之材所構自有此法惟孔明行之所以神明保持一定而不可改也桓溫征蜀過此布常山蛇陣遂勒銘曰望古識其真臨源愛往跡恐君遺事節聊下南山石陸法和亦曾征蜀及上白帝城插標云此下必掘得諸葛鏃掘之得箭鏃一斛吞吳按先主征吳敗績還至魚復孔明嘆曰法孝直若在必能制主上東行不至傾危矣公詩意亦如此世傳子瞻云云坡無此言織兒偽託耳

謁先主廟

慘澹風雲會乘時各有人力伴分社稷志屈偃經綸

復漢留長策中原仗老臣
雜耕心未已歐血事酸辛
霸氣西南歎雄圖曆數屯
錦江元過楚劍閣復通秦
舊俗存祠廟空山立一作鬼神虛簷交一作鳥道一作枯木
半龍鱗竹送清一作溪月苔移玉座春
閭閻兒女換歌舞歲時新
絕域歸舟遠荒城繫馬頻
如何對搖落况乃久風塵
孰一作與關張並功臨耿鄧親
應一作天才不一作小得士一作契無鄰
遲暮堪帷幄飄零且釣緡
向來憂國淚寂寞洒衣巾

先主廟

方輿勝覽先主廟去奉節縣六里

歐血

魏書亮根盡勢窮憂患嘔血一夕燒營遁走入谷道發病卒臣松之以爲亮在涪瀆魏人躡跡勝負之形未可測量而云嘔血蓋因亮自亡而自夸大也夫以孔明之略豈爲仲達嘔血乎及至劉琨喪師與晉元帝箋亦云亮軍敗嘔血此則關張關張既喪蜀之虎臣無與二人並者李義山云引虛記以爲言也

此並關張則陋矣功臨耿鄧親惜公之功業將臨耿鄧而未就也述古詩云吾慕寇鄧勳濟時亦良哉亦寓嘆仰之意○細思孰與關張二聯畢竟是公自叙語公常流落風塵之中而不忘應天得士之感悟有此言若云稱道武侯則嚼然無味矣伯仲之間見伊吕公所以稱武侯也若以關張比並則兒童皆知其不然何煩子美激贊耶

白鹽山

卓立群峰外蟠根積水邊
他皆任厚地爾一作獨近高

天白勝千家邑清秋萬估一作里

船詞人取佳句刻畫竟

誰傳

英華作刷練始堪傳

積水

荆州記曰三峽之首北岸有白鹽峰峰下有黃龍灘水最急沕所忌故曰積水邊也

灩澦堆

巨積

陳作石水中央江寒出水長
沉牛荅雲雨如馬戒舟

航天意存傾覆神功接混茫
干戈連解纜行止憶垂

堂

灩澦

灩澦既沒孤根深西來水多愁太陰江天漠漠鳥雙
去風雨時時龍一吟舟人漁子歌迴首估客口商淚
滿襟寄語舟航惡年少休翻鹽井橫一作摸黃金又作擲

白帝

白帝城中雲出門

一作城頭

白帝城下雨翻盆高江急峽

雷霆鬪翠

一作

木蒼藤日月昏戎

一作

馬不如歸馬逸千

家今有百

一作

家存哀哀寡婦誅求盡慟哭秋原何處

村

白帝城樓

江度寒山閣城高絕塞樓翠屏宜晚對白谷會深遊
急急能鳴雁輕輕不下鷗彝陵春色起漸擬放扁舟

曉望白帝城鹽山

徐步移班杖看山仰白頭翠深開斷壁紅一作遠結飛
樓日出清一作江望暄和散旅愁春城見松雪始擬進

歸舟

鹽山

水經註廣谿峽其間三十里頽巖倚木厥勢殆交北岸山上有神
淵淵北有白鹽崖高可千餘丈士人見其高白因以名之方輿勝

覽在城東七十里崖壁五十
餘里其色炳耀狀若白鹽

白帝城最高樓

城尖徑吳

一作

旌旆愁獨立縹緲之飛樓峽坼雲霾龍

虎卧吳作江清日抱鼉鼉遊扶桑西枝對

一作

斷石弱水

東影隨長流杖藜歎世者誰子泣血迸空迴白頭

扶桑

山海經賜谷上有扶桑十日所浴居東中有大木九日居下枝一日居上枝

弱水

禹貢疏云弱水最在西北水又西流

白帝樓

漠漠虛無裏連連睥睨侵樓光去日遠峽影入江深
臘破思端綺春歸待一金去年梅柳意還欲攪邊心

陪諸公上白帝城

吳有頭學

宴越公堂之作

此堂存古製城上俯江郊落構垂雲雨荒堦蔓草茅
柱穿蜂滴蜜棧缺燕添巢坐接春盃氣心傷艷藥梢
英靈如過隙宴衍願投膠莫問東流水一作水清淺生涯未
卽拋

越公堂

方輿勝覽在瞿塘關城內隋傷素所居

投膠

吳若本注古樂府以膠投漆中誰能別離此

峽隘

聞說江陵府雲沙靜一作淨眇然白魚如切玉朱橘不論
錢水有遠湖樹人今何處一作陳作在眼却望峽
中天

諸葛廟

久遊巴子國屢入武侯祠竹日斜虛寢溪風滿薄帷
君臣當共濟賢聖亦同時羽戴歸先主并吞更出師
蟲蛇穿畫壁巫覡醉蛛絲欵憶吟梁父躬耕也一作未起
遲

峽口二首

峽口大江間西南控百蠻城欹連粉堞岸斷更青山

開關多一作常天險防隅一水關亂離聞鼓角秋氣動衰顏

時清關失險世亂戟如林去矣英雄事荒哉割據心
蘆花畱客晚楓樹坐猿深疲瘁煩親故諸侯數賜金

王人柏中丞
頻分月俸

天池

天池馬不到嵐壁鳥纜通百頃青雲杪層波白石中
鬱紆騰秀氣蕭瑟浸寒空直對巫山出一作峽兼疑夏禹
功魚龍開闢有菱芡一作菱古今同一云豐聞道奔雷黑初看
浴日紅飄零神女雨斷續楚王風欲問支機石如臨
獻寶宮九秋驚雁序萬里狎漁翁一作推童更是無人處誅

勞一作茅任薄躬

瞿塘兩崖

三峽傳何處雙崖壯此門入天猶石色穿水忽雲根
猱獲鬚髯古蛟龍窟宅尊羲和冬一作驂馭近愁畏日車
翻

雲根

詩人多以雲根為石以雲觸石而生也宋孝武登樂山詩屯州
擾風穴積水瀾雲根元魏宣武裴祭詔云栖素雲根餌芝清壑

夔州歌十絕句

中巴之東巴東山江水開闢流其間白帝高為三峽
鎮夔州一作瞿塘險過百牢關

巴東

三巴記巴地東至魚復西連夔道北接漢中南極犍犒是
其界也寰宇記劉備改魚復為永安後主改為巴東郡

百牢

關

寰宇記在漢中郡西縣西南隋開皇中置以蜀路險號曰百牢關一云
置在百牢谷元和志隋置白馬關後以黎陽有白馬關故更此名按百

牢關為人川之隘口但不如瞿塘之險耳偽蘇注載辛毗云夔州百牢關兵馬不可越視穆誤引之遂載百牢關於夔州宜削去

白帝夔州各異城蜀江楚峽混殊名英雄割據非天意霸王并吞在物情

入蜀記晚至瞿唐關塘故夔州與白帝城相連杜詩曰帝夔州各異城蓋言難辨也

群雄競起問前朝王者無外見今朝比訝漁陽結怨恨元聽舜日舊蕭韶

朱浮傳浮以書責彭寵曰奈何以區區漁陽結怨天子

赤甲白鹽俱刺天問閣繚繞接山巔楓林橘樹丹青台複道重樓錦繡懸

西京雜記終南山有樹葉一青一赤望之斑駁如補長安謂之丹青樹

灤東灤西一萬家江北江南春冬花背飛鶴子

遺瓊藻相趁鳧雛入蔣牙

東屯稻畦一百頃北有澗水通青苗晴浴狎鷗分處處雨隨神女下朝朝

困學記聞東屯有青苗坡

青苗蜀麻吳鹽自古通萬斛之舟行若風長年三老長歌裏白晝攤錢高浪中

江鄰幾雜志白馬灘前高浪中長年入蜀記長讀如長切之長長年三老梢工是也攤錢博也深冀能意錢之戲注云即攤錢也

憶昔咸陽都市合山水之圖張賣時巫峽曾經寶屏見楚宮猶對碧峰疑

武侯祠堂不可忘中有松柏參天長干戈滿地客愁破雲日如火炎天涼

杜工部集卷之十四
閩風玄圃與蓬壺中有高堂唐晉作天下無借問夔州壓
何處峽門江腹擁城隅

上卿翁請修武侯廟遺像缺落時崔卿權夔州
大賢爲政卽多聞刺史真符不必分尚有西郊諸葛
廟卧龍無首對江濱

杜工部集卷之十四

錢遵王戴應商校

東中饋起一百里北首臨水東青苗漸谷餘則公
更察即欲以爲人深在

